

# 敬簡堂學治雜錄

序

濟南爲齊魯大郡屬州邑十有六而陵鄒稱難治是以  
宰斯土者每因事顛躓去惟京江戴子樹人獨在任最  
久秩滿乃遷威愛允濟稱道弗衰陵固未嘗不可治也  
嘗君治陵之時正余分守濟東之日諗其下車伊始展  
布裕如經年以往百廢具舉而尤以保甲爲當務之急  
夫保甲法良意美必遲之又久而後成則厥效立見  
若清賦緝捕其大較也余曾以其清賦催科埽除積習  
爲近今所罕見將有破格獎勵之請而同官尼之未果

敬簡堂學治雜錄

一

行越兩載而歲嘗考績乃得與於卓異之薦殆古人所  
謂盡其在我而顯晦聽其自然者歟光陰荏苒瞬逾十  
年樹人旣以郡守需次余亦方供職春明偶憶明湖瞻  
昔舊雨漸若晨星而一二令長之勤求吏治者往往心  
焉數之會東屏廉訪自東展  
覲晨夕過從述樹人近狀良悉並以其所著學治錄示  
余余展而讀之則當日之見諸條教陳諸牋牘者一一  
筆之於書誠紮實也政聲所在陳迹非遙欣焉泚毫爲  
敘梗概行當典司繁劇則勲懇求治之意更將日新月

異而歲不同矧以大夫服政之年名位洵未可量設施  
又豈有艾耶一官一集拭目埃之學治云乎哉  
光緒十有四年歲在戊子孟夏之月錫山薛福辰謹序

敬簡堂學治雜錄

二

序

潤州戴君樹人之宰陵邑適余守濟時也維時諸逆甫  
誅餘匪未殄鄉團蟠結挺而抗法而鴟義之徒因以為  
厲加之胥徒盜賊混然中處舞弊為智犯上為勇同惡  
相濟為仁用休罔戒用威罔董幾幾乎莫可誰何而陵  
又民生凋瘵年穀屢愆南北要衝匪徒出沒一郡之中  
尤為難治宰斯邑者往往汲長梗短解組歸山而諸大  
府亦每以不得人為憾樹人泄是術規明公役正保甲  
編鄉團順巨惡誅小醜靖簿書釐險健泯孔廟崇書院

敬簡堂學治雜錄

三

新人文競邑乘修淑德旌民風盛於時蝗不為災甘霖  
時應麥秀兩歧余曾為之題詠蓋忝守是邦故為陵誌  
慶也乃者大府考績特考上上而余亦濫邀其賞余誠  
滋愧矣余公牘日與之接訝其操縱自如而未知所操  
縱者何術也間嘗於公牘之中求其治法第見其詳一  
文無冗長無罅漏勘一案無擾累無枉縱興一利除一  
弊無泄泄而緩無種種而紛然而余究不知其所操縱  
者何術也數年來樹人晉太守待擢於省余亦以治河  
故而復來東得讀樹人治陵之書見其額曰敬簡堂余

乃恍然於樹人所操縱者其以是而已矣且夫事不躬  
歷知之不詳言不親切行之不逮余與樹人共事者也  
樹人之書余親見行之者也可以治陵非陵愈足治也  
而樹人顧藏之篋中不願問世非交深幾不得見豈不  
惜哉余用是勸之公世在樹人不過紀實在閱樹人之  
書者豈獨得其實而已乎鑄之爲幸

光緒十有二年夏五月既望長白東屏豫山

敬簡堂學治雜錄

四

序

昔我族祖清獻公宰嘉定後有泄嘉遺續一編凡我族  
姓有一行作吏者皆守是編以爲治亦皆得有政聲則  
洵乎其爲治譜之善者矣今

樹人太守學治雜錄卽其治陵時所得力於敬簡兩言  
者著於篇其曰學治謙辭也 庠 受而讀之思天下之大  
一縣之所積耳一縣治則天下亦可治所以漢代最重  
牧令文景兩朝幾於刑措得人之盛亦稱最焉是編於  
宰治之法至詳且盡實維敬簡足以賅之較之清獻之

敬簡堂學治雜錄

五

書何多讓焉 庠 亦當爲後之讀是書者告也

光緒丙戌秋七月元和愚弟陸潤庠頓首謹序

序

古今所以難臻上理者非治具之不張而推行之不力也聽斷緝捕催科政之末學校社倉保甲政之本夫人而知之矣而今之能者每逐末而遺本豈不以設施繁難利未興而弊已乘故迂遠視之敷衍了之歟呂沙隨之宰瘠區也尙撫字其治劇邑也尙嚴明陸清獻之宰嘉定也禁侈靡其治靈壽也爭差絲似因地制宜各有所急至於政之大本無不盡力舉行之而效豈有異術哉心與力足以副之耳戴君樹人之宰陵邑也卓著循聲亟爲上游所倚重知其心其力必有大過於人者及見其敬簡堂錄不屑爲曠言高論獨取政治之極纖極瑣者精而思之敷而布之力而行之卽其末以窮其本而漸必於成如作室然構榑侏儒椳闌居楔一物不備不足以成室如治軍然擊鼓金鐸旌旗麾幟一器不周不足以成軍人第見室宇之崇軍容之盛輒相與而歎羨之而不知其慘淡經營於未事之先者固已不遺餘力也燦治平度十四年亦師此意自以爲竭盡心力而成效訖無可觀以視戴君慮之精詳施之從容而又

敬簡堂學治雜錄

六

能筆之書以惠後人也其相去不綦遠哉爰誌數語以據欽仰光緒庚寅嘉平月韓城如弟吉燦升謹序

敬簡堂學治雜錄

七

序

夫仕不肅官常梯榮徑捷之徒皆上考也治不經盤錯  
句稽出納之才皆最績也若夫膺繁赤定倉黃戢狂猷  
弭姦回酌禮上庠斟和四野相與遊化日之熙皞豈皇  
風之雍穆則非學懋勛時才裕應變者弗克與於斯矣  
國家名賢輩與良吏踵繼其由邑令游擢封圻者史不絕  
書人有列傳若靈壽之遐矩羅城之崇規資表率於羣  
倫足方駕乎曩哲夫百里非小天下之所分形一官雖  
卑兆民於焉託命伊教養之有屬實治亂之攸關我

敬簡堂學治雜錄

八

樹人太守之昔宰陵邑也凶水橫濱鯨甫就戮腥風羸  
樹獸猶伏藏道旁之鎬雨晨飛戶外之柝聲宵警城狐  
社鼠肇駭覺以交訂吏虎胥狼成黨援於互結蕭牆之  
患布其腹心鈎棘之災隱於肘腋 君迺疾馳鄰境潛  
假兵符爲聲東擊西之謀有朝發夕至之迅罪歸首懲  
罰有資從民不知兵寇不及備疾雷發機大風去垢  
君之績偉矣然徒積薪能免禍倚大樹不言功 君之  
識量又可瞻焉既解甲而歸農復投戈以講藝宮牆數  
仞惟聖人之居廣廈千間繫寒士所庇而上丁勵釋奠

之儀二酉襲藏書之目子瞻在闕刺起於青衿士願橫  
經嗟興於白屋學校廢而書院頽數十年於茲矣 君  
於是堂集三老期召諸生糾貫庀材命匠興役復舊制  
於鬻官列新條於黎庶至如園草榮碧堂施鋪菜憩棠留  
士林謳思洽於黎庶至如園草榮碧堂施鋪菜憩棠留  
鞫獄之仁拔蒞示鋤強之意險健之輩釋訟牘而習詩  
書負罪之氓脫桁桒而荷耒耜政去害馬文能驅蝗旣  
揚仁風亦集瑞應盛事傳於民間嘉休媿之上古蓋惟  
時麥熟首夏穗獻雙歧史書所稱盛美足錄 君迺遜

敬簡堂學治雜錄

九

讓弗居止令不報敦耕勸穡澤自溥於窮檐儲英毓華  
功當歸於富媪始知輝煌秉筆贊揚多史官之諛炳蔚  
陳詞媚茲亦臣下之陋此見 君之屏黜浮華崇尚實  
政已基也買絲欲繡疇賢懸像空懷曩烈煦冬日以知  
燠被春風而誦和欲求觀型之方敬叩從政之要 君  
因出其所爲文四種曰敬簡堂集蓋皆 君之治譜手  
自編定也政事文學遂有兼科循吏儒林豈惟專美 基  
於是口誦心寫神往意移挽綬期以何年書紳請於今  
日觀桑林而作柘舞亦具婆娑之容過雷門而習鼓音

大有旬旬之想旨箴攸藉墜引笑辭光緒甲申秋九月  
鄉愚弟徐壽基謹序

敬簡堂學治雜錄

十

跋

修己以敬臨下以簡古人論政厥有薪傳

樹人太守之宰陵也曾秉此義見諸實事故其所輯敬簡堂學治雜錄一書其間法良意美至理名言凡有裨益於閭閻關繫乎風氣如講學務農除暴綏良恤刑治賦諸大端靡不身體力行不懈而及於古殆所謂有利必興無弊不剔者與亟當付棗以公同好捧誦既竟謹贅數言丙戌仲春愚弟沈泰鎮謹識

敬讀 大著言言金玉字字珠璣一種愛民勤政之心

敬簡堂學治雜錄

十一

往往流露於楮墨行間至於敘事之簡當用筆之老到猶其餘事處為通儒出為循吏於

先生當首屈一指欽佩之餘彌殷嚮往謹誌數語以表微忱乙酉冬月後學成敦拜誌

且今之列上考頌賢良者不過曰案牘耳科條耳繭絲耳保障耳求其以聖賢之學為學以聖賢之心為心則寥寥不易觀焉

樹人太守 爽 總角交也當未筮仕以前即以天地民物為己任既宰陵邑政聲卓著直欲駕龔黃召杜而上之

爽服膺最久惜未得其詳且盡也乙酉春爽由單父調往山地屬衝衢事尤繁隨自維疎陋履餼爲虞適君以學治錄見示凡勤政愛民勸學重農諸大端幾於有利必興無廢不舉其於古人良法美意靡不昭合是眞能以敬簡臨民而深有當於聖賢學問者正不獨爽之可奉爲圭臬也仁人之言其利溥吾於是編亦云乙酉四月世愚弟倉爾爽謹識

樹人戴太守以潤州名下士從政稷門其昔宰陵邑也本居敬行簡之學見諸施爲提綱挈領井井有條陵之

敬簡堂學治雜錄

三

民奉教維謹一時循聲卓著各當道咸倚重焉其手自編定敬簡堂學治雜錄諸篇洵足爲一行作吏者圭臬受讀之下欽佩久之因力請付梓俾讀是編者皆得

宰治善法將見一州一縣治而天下無不治則朝廷慶得人之盛億兆蒙保我之麻胥於是徵之矣豈不懿歟光緒丁亥仲冬福州世愚弟龔葆琛謹識

雜錄上中册有利必興無廢不舉其一種愛民如子之心溢於言表想見蒼生赤子熙熙然如登春臺卽聞有一二頑梗之徒亦必革面洗心聞風向化也下册創立

條規尤見才大心細敬讀數過拜服無涯如兄唐恩灝

註

行無不可言言未必可行言爲未行之言不可行言爲已行之言亦未必可行言爲行而未效之言不可行言爲行而已效之言亦未必盡可行不盡可行則言何如不言立言蓋如斯之難也乃元讀

樹人戴太守之言而竊謂立言不難何也言爲理所必然之言則無論已行未行行而效行而未效皆無不可行

敬簡堂學治雜錄

三

太守之言近取諸己遠取諸人其爲未行歟其爲已行歟其爲行之效未效歟元不得而知也其爲理之必然而無不可行元可得而決也元決其無不可行元知其行無不效也行無不效斯言非無補之言也非無補之言斯言行也言行斯可言也付之梓人不亦宜乎光緒甲申夏五月鄉愚弟賀福元謹跋

或問於治曰儒與吏分乎而何以有吏書治曰儒與吏分而不分不分而分此吏書所由出也詩書傳禮吏書也而儒之大中論孟儒書也而吏之如是則分而不分

不必更有吏書自掇科者專攻制藝不掇科者專習政  
事於是稍明吏治輒笑儒迂稍讀聖經輒嗤吏陋儒與  
吏豈不截然兩事哉此而無書補救迂誠迂矣陋誠陋  
矣可奈何或曰子之有取於吏書固已吏書曷善治曰  
民情何以察民心何以固上何以事下何以馭案牘何  
以理保甲何以編以及延僚友交同實理財賦弭盜賊  
莫不有道焉以時措咸宜使拘儒見之而歎曰吏固有  
如是經濟也於是優於為吏使俗吏觀之而悟曰我固  
未嘗學問也於是進而為儒此之謂善或曰有如子言

敬簡堂學治雜錄

四

吏書之作獨有意於拘儒俗吏乎治曰否否虛心受善  
通儒宜觀勵精圖治名吏亦宜觀不信治言請觀  
樹人戴太守之書癸未冬月姻愚弟朱懋治謹跋  
潤州戴太守樹人以循良見推於山左久矣壽簽分來  
濟敬詢鄉士大夫宦是土者以求師承焉僉曰其惟我  
戴太守乎方太守之令陵邑也當兵燹殘破之餘民氣  
鬱鬱號稱難治大府選幹吏往每束手無以為庸或得  
過去太守蒞焉爬梳滌蕩百務具舉其翼善也如慈母  
之保赤子其教不善也如嚴師之擊童蒙日取古人良

法擇其可行者行之既行矣則堅持之以求達其立法  
之始之心之所欲至至焉而止罔或稍過兢兢焉挾其  
大力精心以與事為終始民大悅服是故動焉若瞿循  
焉若紆優而游焉若有餘斯太守之教也壽謹誌之既  
得上謁卒讀所著敬簡堂集其嚴保甲則三代井田之  
遺也其興書院義學則又所謂建學明倫也其他政亦  
咸酌古準今疏節闕目令不煩而事必行民亦知教之  
可樂而弗吾擾故紳士之善者恪恭以襄其役民之不  
善者亦悚惶以悔其過事具集中可覆按也惟太守能

敬簡堂學治雜錄

五

羅古今蕃變之致於一心審而擇焉慎而執焉一舉而  
百備事或施於此而效收於彼蓋在上者無張皇震驚  
之為而下各抱其怵惕維厲之隱以相應躍然而雷厲  
悠然而風行廓然而天空海闊仲弓氏言之矣居敬而  
行簡以臨其民今觀太守之為教不虛哉不虛哉壽益  
信鄉士大夫善言太守之為教而私幸得所師承也又  
深幸是書之成居官者皆得所據依而不惟陵邑得被  
太守之教太守之教且施之天下後世而無所窮也敢  
敬綴一篇附簡末光緒丙戌秋九月姻愚弟邢壽慶謹



識

樹人太守治陵六載余奉檄曾再至目覩其殫思竭慮多所設施綱舉目張釐然就理知其治譜傳家淵源有自非徒託空言者比也旋以治行第一報最擢官僑舍齊州時相過從偶出敬簡堂學治雜錄見示則治陵之興利除弊原原本本悉載於編洵有益於治道之書薛撫屏京兆序之詳矣長白東屏中丞一再勸梓同人亦懲惡之甚力爰付剞劂俾余校讎輒憶疇曩之驅車臨齊戈鋌甫平弦誦可聽歲豐俗靜比戶晏然曾歲月之

敬簡堂學治雜錄

六

幾何而時局已少變矣讀是書想見其為人是豈一朝一夕故哉從來長官之賢斯民實受其福治一邑治治一郡亦治他日一官一集德施優洽又何可量是編其權輿也光緒庚寅秋日姻愚弟錢柏謹識

成周以來郡小而縣大秦漢以降郡大而縣小郡縣之治民一也至今日而縣之於民為尤親樹人九弟治陵六年時山左承闈大中丞之後吏治講求真實而製錦者亦得從容以盡其所為弟所以有學治雜錄之輯也其初篇幅尙多幾經刪節存者僅十之五六矣自弟去

陵而陵遂多事其民之不公耶抑亦政治有得失耶要之陵非不可治者惟其以實心行實事則民受治而治乃可言弟既以卓薦擢郡兄亦自京曹補外治郡當無異於治邑願與弟交勉之辛巳仲秋旣望和甫兄雙元

識

昔先聖有云學優則仕仕優則學學與仕固並行不悖者也三代而下循吏以漢稱最本經術飾吏治尙矣至我

朝善教善政相輔而行一時如于湯陳陸諸公化民成俗

敬簡堂學治雜錄

七

震古鑠今休哉何道之隆歟適以人心不古風俗日非論吏治於今日誰復於簿書之暇孜孜不倦而講求之者豈古今人不相及耶余少聞庭訓壯習仕途時以清慎勤三字自勗特恐有是心而學不足以副之誠見為吏之難吏治不得不講求耳夫所謂講求吏治者豈效儒生之侈談經濟務為迂闊坐而言卒不能起而行哉必將實事求是舉凡農田水利錢穀兵刑利無不興弊無不革上無負

國家設官之心下無愧父母斯民之責不學無術之譏庶

乎免焉樹人兄之官山左二十餘年手訂學治錄一編實不愧清慎勤三字可謂先得我心者矣方其投筆從戎愿官守令莫不奉公潔己禮士愛民眾望咸孚百廢具舉後之人有學古入官者是編其左券也爰書數語於簡末謂為官箴也可謂為家學也亦無不可弟敬文謹跋

敬簡堂學治雜錄

六

百序

夫居官之要曰清慎勤尙矣然以不貪為清不忽為慎不懈為勤此第官箴云耳若夫能其官者則當有進冉子之言曰居敬而行簡以臨其民旨哉斯言治民之實政在是矣夫人必精神念慮周於凡事而敬以懾之然後沿革損益因勢利導不同矜張操切之所為斯真能執簡以御繁者已杰於同治八年補陵縣明年六月履任前令汪君本莊顏縣署之堂曰敬簡誠有先得我心者杰益信前此之持論為可據也爰本此旨一意行之

敬簡堂學治雜錄

充

不敢務於苟簡凡見為當行者明示章程躬親督率或捐廉俸以為之先或懸刑賞以善其後與邑之人拳拳詰誡者不過數事而餘悉以簡自藏其拙焉邑之人亦咸諒予之拙而相與安之杰在陵六年之久不致墮越貽羞者謂非斯堂之朝夕出入有以警於心而使之無曠厥職乎今以需次省會距去陵之日又六年矣凡宰是邑與夫出宰之講求吏治者往往過余問向所以治陵之政杰奚有他政哉因憶顧君象三懷王時以孝廉在署嘗取公牘私議擇而錄之積久成帙又復手書一

過以稿畀余幸有是錄出以代談藉塞過問者之意而  
 謹俟其自擇焉夫政貴因地制宜治陵而效或治他邑  
 不效未可知也政貴因時制宜前日治陵而效或今日  
 治陵不效又未可知也然其人苟守清慎勤之箴而不  
 悖乎敬簡之旨則古人成法具在悉可變通行之又烏  
 用是錄爲也比問象三以名進士出宰西蜀所至有善  
 政其所爲必有大過乎杰者由今觀之其平日留心政  
 治手錄之勤凡古人之良法美意必有身體而力行之  
 者矣象三之善居官固不繫乎是錄而是錄則繫乎象

敬簡堂學治雜錄

三

三以存茲略爲編次署曰敬簡堂學治雜錄並識其緣  
 起如此

光緒七年十月上澣丹徒戴杰自敘於濟南寓齋

敬簡堂學治雜錄卷一目錄

陵縣利弊論

端士習論

清訟論

設立講堂說

清查糧賦說

附寄莊考

徵解錢漕說

懲蠹說

收養孤貧議

敬簡堂學治雜錄

卷一 目錄

重修學宮文

重修顏魯公祠文

重修城隍廟記

重建火神廟記

除三巨惡記

捕蝗記

增補縣志序

邑志忠義傳序

魏渤海太守王偃碑跋

小學人子禮跋

敬簡堂學治雜錄

卷一 目錄

二

敬簡堂學治雜錄卷一

丹徒戴杰存稿

陵縣利弊論

從來利之所在即弊之所在天下事有利必有弊其勢然也是在有地方之責者與所當興革所當革以期於有利無弊而已試舉陵縣一邑論之陵縣俗尚質樸士勤耕讀政簡刑清素稱易治泊軍興後始則各莊舉辦團練保衛身家狡黠之徒因充團長欺壓良懦繼則包霸錢漕抗官藐法如侯家莊之侯登亭糾連十八莊聚

敬簡堂學治雜錄

卷一

一

眾抗糧楊冲霄莊之楊志嶺命案劫獄奪犯惑不知畏比比皆然同治戊辰捻匪平團雖散而抗霸之習未除其弊一也高津趙王等河咸豐年間水涸沙淤頓成平陸附河莊民或自就沙區田或則轉售漁利奸胥影射私撥徵糧積蠹催完徵收難實又有寄莊等弊以致糧賦不清皆由匿不稅契之故其弊二也民有小忿未即呈訴乃有不法訟棍包攬架訟以曲為直播弄是非俗云剛准不圖審准則從中說和恣意需索若經審實批駁不行則又架以省控京控非密拏嚴懲無以儆其薄

俗其弊三也馬快專爲緝捕而設陵之馬快祇管徵糧緝捕乃另設捕役名曰活門子蓋著名大盜與總捕聲息相通且夥從多半積賊每於鄰境犯案因捕役實其黨援頗難緝拏此風毘連各處大略相同其弊四也夫弊不革則利不興欲興其利先除其弊以儆兇頑寬猛宜濟也以清賦稅稽核宜勤也以平訟獄聽斷宜詳也以嚴捕務賞罰宜明也兇頑儆則民俗移賦稅清則

國課裕訟獄平則民情得捕務嚴則盜患息卽此數者利莫大焉他若立考課以端士習行保甲以衛民生訪忠

敬簡堂學治雜錄

卷一

二

節以興廉恥養孤貧以恤困窮是皆利之所當興者握其要以圖之庶可收效於萬一歟

端士習論

夫士爲四民之首民情之趨向恆視士習爲轉移士習端則人心正人心正則風俗醇所繫顧不重歟陵邑武勝於文習武者歷年多擲魏科而由文學登科第者卒鮮其原由於地方褊小僻壤窮鄉離城逾遠士生其間者有志於學而苦無良師以致學業難精文風不振其有耕讀而兼商賈者類皆安居樂業謹愿自守間有一二無以資生者則不安本分遇事唆架藉以漁利是在守土者誘掖而獎勵之使其勉爲端人正士而已余泣

敬簡堂學治雜錄

卷一

三

任後延師掌教書院每月舉行官課校其文字添設武試獎其技能又爲之籌實興經費俾艱於旅費者咸得觀光此外勸立養蒙義塾刊發訓蒙諸書要猶是啟其向學之心耳抑余更有進者士先器識而後文藝讀書敦品者固不僅爲弋取科名計也有志之士誠能守聖賢遺訓身體而力行之以之修己及於教人俾鄰里鄉黨之間薰其德而爲善良移風易俗之機將於是在則余之所厚望者已

清訟論

夫物不得其平則鳴此訟之所由來也兩造非有夙嫌或以一時細故遂至成訟是在聽訟者審呈詞以判虛實懲唆架以安善良嚴傳限以禁差擾速訊結以省拖累姑就臆見論之原告投呈後即須審訊聽其初供辨其真偽事起細微可無庸爭訟者切實開導飭其理處虛則駁斥不行有不能不審者則剋期傳訊如是而虛實可判矣凡訟將與其中親友以理相勸本可兩息爭端乃有不法棍徒唆架告狀隱匿真情誣捏詐說索

敬簡堂學治雜錄

卷一

四

不休究明誣控例應反坐訟棍反得置身事外亟應嚴拏懲一儆百如是而善良可安矣案經差傳差役視審訊之遲速為勒索要挾計尤應嚴立票差限期不准遲逾傳到即訊毋稍稽延並嚴查私押之弊如是而差擾可禁矣集訊或有一二人證不到即可持平判斷務使兩造翕服具結完案立將差票掣銷俗言一人有訟一家不安更應從速訊結毋令廢時失業如是而拖累可省矣孔子曰聽訟吾猶人也必也使無訟乎當今之世而欲幾於無訟亦斷斷乎不可必矣而清訟之要則聽

訟者之責也可弗慎歟

敬簡堂學治雜錄

卷一

五

設立講堂說

厚生莫善於養正德莫先於教聖賢論政於既富之民加之以教教固治民之急務也願愚夫俗子目不知書非講明而切究之何由領悟伏讀

聖諭廣訓

十六條誠恐薄海斯民昧於義理故為是訓頒行天下俾家喻而戶曉之正人心維風化萬世率由莫可易也余蒞陵兩年察其風俗澆漓習尚爭鬪又其甚者流為盜竊而不知恥且與鄰境接壤之處有惑於邪說而染其風氣者心實憂之夫牧民之責化導為先斯人豈

敬簡堂學治雜錄

卷一

六

盡無良正俗端在善教爰捐廉俸設立講堂宣講

聖諭繼

以陰騭感應果報諸書並於鄉鎮籌建義學一律宣講辭達而易明語淺而易入俾稚魯愚頑習聞夫孝弟忠信之可欽禮義廉恥之足重庶好善惡惡之心勃然興起而不致流為不肖其於人心風化所益豈淺鮮哉特其功非可期詎旦暮間也是所望於後來者

清查糧賦說 附寄莊考

糧賦為

國家正供額外之賦不可加額內之賦不容缺陵之養息居存四鄉田畝有上中下之別正額錢漕按地承糧歷有檔冊可稽迨自軍務頻仍水旱相繼令斯邑者正署皆無久任吏胥因之為奸而糧賦遂有不清之弊因查其弊有三知而革之亦有道焉一查過割以免詭寄也承糧收退本應以契為憑乃刁頑業戶勾通派書詭列堂名私自過割交界接壤地畝本無另冊近日寄莊其

敬簡堂學治雜錄

卷一

七

弊即由此生催糧里差捏戶名為逃亡因路遠增賞餉亟須嚴查過割申禁詭寄以遏其流一稽業戶以禁影射也田房早歸售主糧名仍是本人俗云買地不買糧日久年湮遂列逃絕之戶各莊此弊恆多然一莊皆有四鄰人雖死亡田地必有承業賣成莊長按戶而稽覈其欺隱之咎勒限更名為之一清賣買之戶兩受其益一嚴稅契以杜隱匿也例定民間置買田宅依限投稅黏連印契收執為憑凡有徵糧照契載推割絲毫不容含混乃二十年中陵民皆不投稅又不驗契以致經書

任意需索擅自推割以少為多以無為有其弊不可勝言亟宜清查糧冊並重稅契相輔而行余歷屆稽核始能徵收如額則清查之法願可忽歟是為說

附寄莊考

史君颺廷舊志後續有康熙年間知縣事王維翰寄莊里說其略曰城東四十里三迴河南有荒地六十二頃有奇北直等處民墾種起科名曰寄莊原屬以地論莊並非以人之寄籍為莊數十餘年弊竇相乘民地冒莊者多爰為去偽存真另立一里凡有買賣

敬簡堂學治雜錄

卷一

八

止在本里甲退收不許過於別里法誠無弊庶可永守云沈君淮道光時修志未將王君說刊入疆域志載北民墾戶自大新莊起共十一莊名正附六里另里附於思義鄉後此皆寄莊之名也查糧冊交界接壤地畝鄰民承種者向附本里完糧名曰順莊不知始於何年將順莊之戶另為寄莊名目刁戶勾通派書隱匿寄莊私撥徵糧里差遂藉出境徵糧或捏戶逃亡或索詐生事凡徵銀兩官捐其平餘徵漕一石官賞以兩串其意因公欲其速辦而其拖延如故此

今寄莊之累也余思順莊之糧久改寄莊未便更章里差雖禁革鄰民未必周知自封完者幾希良由隔境所致乃親過德平孔莊等處告以向有賞備給里差今則照數賞本戶僉稱從未頒給由單許一律補發歷年踴躍輸將悉遵本里限完因清查糧賦考及寄莊故贅言之

敬簡堂學治雜錄

卷一

九



徵解錢漕說

陵之錢漕自開徵後向派差役分里坐催謂之曰里差或則私完領串加利恣索或則刁民包霸額外淨收甚至上忙拖接下忙漕糧本折牽制鄉民憑差完糧竟有捏稟無着之戶徒飽蠹役私聚雖歷任按卯比限而積習相沿徵收每致愆期解數不能如額蓋因循疲玩之風已非一日然催科不力咎有攸歸是不可不預為之防也余履任後停派坐里糧差禁止簽傳大戶清查各莊糧冊訪拏包霸棍徒曉諭闔境錢漕悉遵定章自封

敬簡堂學治雜錄

卷一

十

投糧完納掣串既革除坐里之役仍派差協同莊長地保分別催完立定賞罰限程勤奮者記功領賞藐玩者革役嚴懲行之既久糧戶頗獲其益而賦額得以全清此徵錢漕之一效也漕米起運德州水次收儲極宜慎重米車向是夜行御者私偷攬雜習以為常又與水次斗級勾通朦混交倉迨至兌幫時致有米色不符過節換賠等弊尤須加意嚴防余將起運米袋逐一加封派人押車督運途中毋許停頓水次亦派人駐守驗收責成斗級認真稽查不准扶同徇隱獎其勤勞懲其舞弊

歷屆起運均屬妥適交兌並無爭持此解漕米之一效也

敬簡堂學治雜錄

卷一

十一

懲蠹說

國家設官分職無論大小衙署必有書差縣署有六房書吏三班差役以資辦公定制然也其中奉公守法者固不乏人而作奸犯科者所在多有亦視夫駕馭者何如耳蓋若輩畏威者多懷德者少是宜勸懲兼施毋姑息毋輕縱猛以濟寬斯得之矣查陵邑書差謹慎者僅二三板點者居五六更有積蠹者又二三五戶庫總科司出納竟致侵盜入己兵刑等房掌文册案卷動輒私抽舞弊他如差役奉票傳案藉端訛詐捕役因案妄拿栽

敬簡堂學治雜錄

卷一

三

贓誣盜其弊甚多其害甚鉅此皆法所不能容者是在不動聲色細加訪察廉得其情則盡法懲治庶積弊為之一清蓋積蠹老於衙門善能窺伺動靜揣度意旨一或不慎即墮其術故去莠乃可安良而剔蠹正以祛害此有治法所費有治人也

收養孤貧議

我

朝仁德及民其垂為定制者有留養孤貧一事蓋矜恤窮民有加無已而深懼一夫之不獲也陵邑養濟院收養孤貧定有常額普濟堂則民捐收養謂之曰額外孤貧鰥寡孤獨殘廢有疾者因無養贍之處准其入册食糧憫其孤憐其貧法至良意至美也余履任後細查正浮兩額孤貧每季祇發口糧一次閱月並不加增內有並非孤貧子孫亦蒙養贍者又有書差親族情託入册者

敬簡堂學治雜錄

卷一

三

更有並非本地人民徇庇分肥者且有其人已故名尙在册一人而冒領數名者凡此四端亟宜嚴革以杜浮冒當報名之始先須驗明真實孤貧方准註册序補按月定期發糧再稽查入册名次當堂點名親放如是則詐偽之術不行而冒領之弊亦絕矣按養濟院孤貧計口授食定額難增查普濟堂基地現存應重建為留養之所田畝昔皆捐送清查可以增租則額外來者自可加增以廣其惠至時屆嚴冬或捐給棉衣或酌施餽粥此皆撫有斯民者所當加意也蓋

國家者為常經深仁厚澤行之二百餘年之久為臣下者  
猶復視為具文漫不加察非無以對吾民亦何以對  
吾心乎爰為斯議願與守土者共勉之

敬簡堂學治雜錄

卷一

四

重修學宮文

我

朝

列聖相承文教修明

臨雍講學園橋觀聽凡天下府州縣學靡不興舉蓋所以敦教

化而育人材也今

天子登極奉

兩宮皇太后垂簾聽政

命廷臣侍讀於

敬簡堂學治雜錄

卷一

五

弘德殿昌明正學復

命山東巡撫會同衍聖公重修

聖林凡百郡縣敢不興學校明禮義以仰副

聖天子重道尊師之至意哉陵縣學宮於康熙七年邑令史

君颺廷因明之舊而新之迨乾隆四十四年邑令趙君

王槐重修之迄今又八十餘載矣杰於同治庚午夏來

宰是邑首謁學宮見夫

大成殿之剝落兩廡之傾圮尊經閣明倫堂之鞠為茂

草輒盡然傷之爰謀於邑之紳士曰學校者教化所關

人才所繫也今必新之請各輸資助工令尹且捐俸爲倡邑人皆從命復得濟東觀察蕭公濟南郡伯豫公捐廉爲勸至辛未歲暮共得銀三千五十兩有奇於是購物料計財用募工役於壬申春正月興工宮牆以內廢者興之墜者舉之百堵皆作輪奐一新復增建文筆臺重新魁星閣閏七月而工竣錢幣出納皆邑人主之胥吏不與焉夫自軍興以來河北各郡縣集團爲衛凡學校之士日習於干戈戎馬中絃誦之事闕焉不講卽令是邑者具軍實固城守禦賊不暇奚暇及此今幸

敬簡堂學治雜錄

卷一

六

聖治中興削平巨憝武功耆定文彂斯宏於此而興學校明禮義是有司責也而今而後陵之人土日新於學爭自濯磨以助我

國家棧樑作人之化豈不懿歟遂書其緣起於石助督工者教諭董思祖署訓導李廣南典史馮慶榮把總党恩洲邑人之司其事者前曲阜教諭許瑞玉增生蒙擢魁監生鄭天池貢監生曹淇王彭齡增貢生魏象周附生邱蘭亭也

重修顏魯公祠文

杰宰陵之明年春陽雨時若二麥豐登既修治三泉書院爲士子講習之所院之西有顏魯公祠復葺而新之陵於唐平原郡也當天寶時安祿山爲范陽節度使平原去范陽近且屏蔽河北二十四郡非有濟時之才禦侮之智烏能措平原於磐石之安乎魯公以御史敢言忤楊國忠出爲平原太守既至郡燭祿山必反託言霖雨築城浚濠內修戰具外佯爲詩酒以自娛迨祿山叛公使參軍李平馳奏而獨以平原孤城抗賊且以兵六

敬簡堂學治雜錄

卷一

七

千授清河郡人李粵殺賊檄清河博平一十七郡連盟拒賊賊兵遂不敢入以視張巡許遠之保障江淮子儀光弼之收復兩京其功不多讓焉而乃始忌於國忠終阨於盧杞卒陷李希烈之難從容就義視死如歸噫是所謂臨大節而不可奪者乎杰嘗按陵之山川考公之政績嚮之看花飲酒料丁儲糧之所欲尋其故址而無復有存者蓋千餘年於茲矣且夫天地浩然之氣生而爲人死則爲神此必然之理也公以七十有七之年屬賊不屈其氣之至大而至剛者塞於天地之間謂公雖

死猶生可也陵人之祀公也固宜杰又念公之忠冠四朝公之神在天下豈獨眷戀於陵已哉而陵人獨信之深思之至者惟食公之德深故報公之功遠也杰忝宰茲土承兵燹之後思公之所以修文事而整武備者邈乎其不可追也因爲葺其祠宇美其輪奐俾杰與邑人士所以輯康樂和親之福者幸公之精誠有以感召也工既竣因誌其緣起於石

敬簡堂學治雜錄

卷一

六

重修城隍廟記

城隍祠祀之名始於齊梁唐令天下通立城隍廟明制皆封爵

國朝稱城隍之神京都迄直省府州縣胥有廟典至鉅神至尊也凡水旱癘疫及訟獄難決者禱於是陵邑城隍廟建於縣治之西康熙十一年史公屢廷修於前乾隆中葉吳公汧葺於後至今又百餘年矣廟宇頽頽墮垣坍塌是不可不亟新之爰捐廉京錢三百千首倡其事邑之神耆士庶亦皆踴躍樂輸共得京錢四千八百

敬簡堂學治雜錄

卷一

九

九千有奇癸酉年仲春開工廢者舉之墜者修之黯淡者裝而飾之門外巋然門內煥然氣象聿新規模宏敞闔一載告成夫聰明正直爲神況神之所司有守土之責幽明無二致也杰承乏茲土閱今四載雨暘時若年穀豐登蝗不爲害麥秀雙歧人民無天札獄訟無冤滯予既喜風俗之日近於樸誠而其吏民亦安予之拙微神之惠不及此自今以往神饗而民福裕易而風移於以上和親康樂之書以上副我

國家干城腹心之寄者豈不於神是賴哉是爲記所有捐

戶及經理官紳姓氏附書於後

敬簡堂學治雜錄

卷一

干

重建火神廟記

陵邑火神廟向在南門城外代遠年湮盡成瓦礫創自何時廢自何年均不可考神牌移北門內武帝廟旁供奉習以為常考之志曰火神廟祀大辰以闕伯配

國朝稱司火神歲以季夏下旬三日遣官致祭載在祀典今廟宇已頽而神靈未受非守土者之責耶且離為火火有文明之象陵邑文風日漸陵替是亦不可無以興之也同治十一年七月杰既率官紳重修

聖廟成遂亟亟焉為是舉爰謀之於紳士在

敬簡堂學治雜錄

卷一

干

聖廟工程餘款內提京錢一百五十千又鹽典商捐京錢一百二十千幕友章君聲山沈君篋生捐京錢七千共得三百四十千杰復捐廉俸二百千成其事於十二年三月朔日開工地仍其舊而重建之督工程司出納胥歸党把戎恩洲經理閱二月而工竣由是廟貌崇而神靈安神靈安而文運盛是則官斯土者之所深望也是為記

除三巨惡記

劉悍之徒害民梗治不治則已治必盡法庶足以懲其餘同治十年五月二十五日有弁勇十餘執刀械突入陵縣西北距城八里之盛家莊爲首一騎藍頂持令自稱馬姓聲言奉直隸駐劄安陵劉統領差拏要犯將莊民盛慶盛漢暨盛慶長子朝周縛去舉莊駭懼盛慶次子朝宗驚疑失措因赴縣請究余速派妥役暗迹之二十六日弁勇等住吳橋縣之新鎮並不回營形迹可疑惟事在隔省未便越境往拏遂移知城汛党把總帶公

敬簡堂學治雜錄

卷一

三

文馳達劉營並派役嚴密確訪初德州人劉均充陵邑庫吏擅用額銀違抗不繳且出狂言前任押追則糾合附城匪類鳴鑼劫脫旋立黑團假冒官職挾勢嚇詐抗官殃民茲與新鎮之子添貴捏造偽札假冒弁勇將盛慶等擒拏索銀勒贖余卽設法於六月初二夜密拏劉均到案訊係勾結景州之朱承恩高富榮封有義等起意冒充官勇勒贖是實朱承恩卽藍頂稱馬姓者也正擬稟報而党把總於初四日晚回陵述抵劉營查知作偽劉鎮軍派弁勇會党把總暨吳橋安陵汛王千總潛

於初二日獲于添貴於新鎮旋擒朱承恩高富榮封有義於景州交界柘園之河西餘夥逸散當由劉營弁勇帶交劉鎮軍訊實復於朱承恩家索出偽札首列馬姓以道銜其餘姓名與劉均所自開者悉符其偽札爲劉均所造無疑嗣景州稟奉直制軍批示梟朱承恩等於本境配于添貴於極邊而劉均關提到直以供狡解回余覆訊得其確據乃解省覆審以訖其誅而陵之巨惡除其一曹平者卽曹相平陵之曹家寨人也咸豐十一年間與德平李祖林結黑團且作馬賊嗣充捕役以爲

敬簡堂學治雜錄

卷一

三

護符同治三年憲檄指名飭緝華前任會營獲之訊供甚狡繫獄數年得保釋又改名充捕漏網之餘藐法益甚曾私繫縣民杜長齡虐逼認竊幾斃恆前任責革管押旋又逃逸窩留匪類聚賭行竊與馬賊孫三等結黨肆擾縣東北及臨邑德平商河間同治九年冬余訪知確迹往捕未獲竣免無其狡也復購縷懸賞會德平縣兜拏始就擒焉疊次嚴訊僅認窩竊誣良而惡之尤者堅不吐實其熟於律文巧避如此余恐輕縱害民滋深乃錄其猾狀兇情上達憲司請從嚴辦奉批再加嚴鞫

倘如前狡展則以指證確鑿戮之地保曹相臣等皆其族屬也僉供結曹平惡迹有據與卷查舊案訪諸紳民者相符乃遵批就地正法時同治十年十一月間也與前解省之劉均惡正相埒一歲而除兩巨惡積蠹與窩賊之風稍斂而更有抗官藐法之巨惡楊志嶺尙稽其誅自咸豐四五年兵興後楊志嶺與侯登亭等私立黑團楊冲霄莊附近十八村莊概不完糧咸豐十年糾毆縣民趙雲山挺身赴案擬罪繫獄暗約其弟楊存孝等劫獄而逸屢擊不獲而盤踞鄉間無惡不作初不避匿

敬簡堂學治雜錄

卷一

雷

也迨被殺親屬京控察院咨行憲司提辦恆前任獲案內從犯二人起解輒又中途劫去余蒞陵後數年閒歷經省控提犯飭緝亦匿而未獲案內人證物故者已過半矣嗣偵知其潛回且有架唆搆訟之事於光緒元年三月二十日親帶勇役不露聲色始密拏到案該犯黨羽眾多解審亟宜慎密遂卽星夜解府擬罪楊志嶺伏誅三巨惡悉除而後宵小咸知儆懼陵之四境始安謐云

捕蝗記

嘗讀小雅之詩云去其螟螣及其蟊賊蓋深惡其害苗故禱諸田祖之神而望其秉畀炎火也唐姚崇遣使捕蝗引此為證夜中設火火邊掘坑且焚且瘞蓋古之遺法如此山左人謂蝗亦曰螞蚱螞蚱者蚱蜢之俗名又兼涉八蜡聲近而譌與蝗形似而實殊螞蚱色青綠向祇食草不傷禾稼所在皆有蝗色黃黑殘食五穀為害甚鉅同治八九年春旱東省昆連數百里內雨雪愆期附河卑窪處潮溼薰蒸萌生蝻孽始則跳躍一隅繼則

敬簡堂學治雜錄

卷一

葦

分飛鄰境陵境雖閒有飛落並無所害迨遺子入土交春卽生而鄉民無識以為長翅自去既恐踐踏已長之禾苗尤覺地鄰捕挖為多事余於十年春夏疊經示諭曉以利害務使防患於未然先後查得趙王河一帶沙地及德州交界之李家莊田地均有蝻生當卽分段督夫已出土者剋期撲滅未出土者搜掘無遺又查與德平臨邑商河交界之許家莊外有蝗蝻叢集於田禾中蔓延成片蓋陵縣養一里八村莊僅西北一角其餘皆鄰縣之地若合四縣民夫撲捕誠屬不易且踐踏亦所



難禁因念蝗乃神蟲遂飭莊民設壇仰希神佑並實力  
搜捕不分畛域毋令飛揚而去貽禍於人反復爲眾紳  
耆言之三日後雷雨滂沱溝渠皆滿蝗皆潰雨自殪數  
年來年穀順成蝗不爲害固由人之不遺餘力亦賴神  
之有以默佑耳爰爲之記以志神庥

敬簡堂學治雜錄

卷一

美

增補縣志序

邑之有志猶國之有史也風俗於是乎考政令於是乎  
出志之所繫豈淺鮮哉陵縣志爲沈台晉明府所修分  
門別類文簡事詳誠一時巨製然自道光乙巳以後迄  
於今又三十年矣余於同治庚午承乏茲土兢兢然以  
弗克稱職爲慮思欲證古知今以爲從政之資而舊志  
於宋逆之亂板片頗有殘缺徵文考獻類多遺亡余滋  
戚焉爰於前濟南太守汪曉堂觀察處假得全帙歸而  
召匠補刊若干頁以復其舊余於公暇披讀如游石室

敬簡堂學治雜錄

卷一

毛

如數家珍因是而觀風整俗布政施令未嘗不歎是志  
之助我良多也五年以來天時和暢人物蕃蕪余既喜  
此邦之人士日返於樸誠而陵之士民亦安余之拙因  
復念此三十年間天時人事之變遷吏治民風之沿革  
以及咸同兩朝之兵燹邑屬團練士民婦女殉難殉節  
之家皆爲昔之所無而爲今之所有恐歲月滋久則考  
證愈難是非守土者之責耶憶昔侍家叔宦登州府讀  
府志有續志若干卷擬仿其例而爲之乃屬邑之紳士  
徧加採訪遂借良甫家弟檢文案輯遺聞疑者闕之信

者補之凡秩官表選舉表疆域志賦役志建置志古蹟志學校志祀典志祥異志藝文志金石志列女傳共增得若干頁又增輯忠義傳一卷仍舊志之式各附於後所以備觀覽也脫稿後復就正於和甫家兄斟酌而損益之遂捐廉付諸剞劂氏以俟夫後之修志者擇焉

敬簡堂學治雜錄

卷一

天

邑志忠義傳序

古人有言曰士窮見節義世亂識忠臣志內有人物傳流寓傳列女傳而忠義闕焉蓋以我

國家承平二百餘年民不見兵革之事故忠臣義士闕如也自咸豐三年粵寇北竄後捻匪教匪會匪梟匪皆相繼嘯聚於東直皖豫之閒陵居大河北且與直省唇齒相接邑之官紳奉文辦團歷有年所同治二年教匪宋景詩至七年捻匪張總愚又至我邑之團總練丁及男婦人等或効死疆場或從容就義是殆由

敬簡堂學治雜錄

卷一

完

國家厚澤深仁淪肌浹髓之所致也今則海宇蕩平矣而忠義之人固昭然在人耳目開前令恆光查明請卹者計一千四十八名口杰續查請卹者計二百二十四名口雖當時採訪或銜職及姓名有一二不符者要其死難之心則一也輯忠義傳列為卷又二十

魏渤海太守王假碑跋

按魏渤海太守王假墓前志未載墓誌銘云葬臨齊城東六里今陵縣東門外三里河劉家莊墓在劉家莊北是也東魏武定元年距今一千三百餘年滄桑屢變遺塚不存詢之士人無復知有此墓者光緒元年三月庚辰望後大雨衝陷土崖出碑石二一覆一載上石陽面鐫篆額九字魏闕二字海闕二字君菜銘五字完整其四字剝蝕不可辨下石陽面鐫四百七十二字二十二行行二十三字字迹端好如初惟撰書姓氏不著石廣方一尺五寸厚四寸今移嵌三泉書院東壁存以俟嗜古者證之亦可驗物之顯晦有定時也

敬簡堂學治雜錄

卷一

三

小學人子禮跋

小學人子禮吾叔父汝舟先生所撰杰少從叔父學見叔父生平講求宋明諸先正書兼治古文竊心嚮往之然叔父負其宿學雖公舉孝廉仍館義學以訓迪後進此即其作以教義學童子者也叔父刻此書就以寄杰謹受而讀之其文援據小學而實以孝經為根本蓋書分十七篇首節總貫自此以下十節所言皆養致樂居致敬之事故於凡事親節提明五致及居致敬養致樂名目以總束前文以後一節說病致憂一節說喪一節說祭仍以孝經終於立身之語收束通篇又反說一節轉正一節致其丁寧之意以終之文之作法如是最通篇次序井然一氣貫注音節和雅為近世訓蒙之書所罕有識者必能辨之世之為父兄者見此書而知所寶貴以之訓子弟也亦何待於杰言之勸勉為哉茲於陵署另行付梓以廣其傳而為之跋如此

敬簡堂學治雜錄

卷一

三

敬簡堂學治雜錄卷二目錄

增修三泉書院稟

重修鵝虎寨義學稟

創建趙王寺義學稟

寶興經費稟

重建普濟堂稟

查辦保甲稟

獲要犯馬金平稟

獲逸犯孫清仔稟

敬簡堂學治雜錄 卷二 目錄

獲匪徒朱承恩等稟

起解匪犯劉均稟

獲革捕曹平稟

研訊曹平稟

獲掘墳要犯劉臣稟

獲要犯楊志嶺稟

敬簡堂學治雜錄卷二

丹徒戴杰存稿

增修三泉書院稟

竊卑職仰荷憲恩准補斯缺屢奉訓諭居官要義總宜實事求是凡有益於地方者隨時整頓不可始勤終惰祇領之下惟有冰兢自矢力求振作以副憲臺裁成之至意卑職於同治九年夏抵任時河北軍務初定陵邑經兵燹後又值八九兩年春旱閭閻凋敝竊念靖地方莫要於正民風正民風莫亟於端士習查卑縣三泉書

敬簡堂學治雜錄 卷二

院建自前明早經廢棄至乾隆四十六年前令趙王槐建魯公義學於顏公祠東前令杜安詩拓大之復名三

泉書院歷任先後捐置田地六頃十九畝一分六釐二毫六絲一忽七微應完錢漕由官捐納內除撥地三十畝六分二釐二毫六絲六忽歲得地租京錢六千文作為書院東義學塾師脩脯又鹽險未墾地四十七畝三釐五毫外實在地五頃四十一畝五分四毫九絲五忽七微歲收地租京錢八百十六千零為延聘掌教束脩節禮及修葺房屋等用嘉慶五年前令郭元兆因無

生童膏火將每年存縣鹽當規禮內捐銀一百二十八兩道光二年前令黃代元倡議勸捐銀一千二百兩發商生息歲得息銀一百四十四兩二共銀二百七十二兩爲生童膏火獎賞之需派有司事經理立法甚善乃自軍興後掌教久未延請房屋漸將傾圮佃戶拖欠地租並無司事經理卑職當即延聘掌教督課選擇司事經管出納查明佃戶欠租勒令追繳房屋飭估興修陸續添建大門開拓院落於兩廊增建考棚十間置買卓凳各七十件講堂等處房屋廢者舉之墜者修之義學

敬簡堂學治雜錄

卷二

二

向歸書院亦一律修整所需工料錢文均在追繳舊租項下提用惟原置田地因事隔多年佃戶早非本人私自頂替另租且多侵佔盜賣情弊卑職逐一確勘飭工房按段丈量繪圖造冊備查並查出未墾鹽鹼地內有三十餘畝可以租種自同治十二年始除司事稟請撥地二段計十畝六分七釐六毫三絲九忽三微設立義塚另稟立案並尚有未墾鹽鹼地八畝外查明實在地五項六十九畝四分九釐八毫六絲酌量地段上下分別定租招佃承種發給印照爲憑有的保者方准租種

歲入租價計京錢一千零一千四百八文按四九月兩次由司事催收不經胥吏之手掌教束脩向祇京錢四百千文節敬三十千文館穀過微多不住院卑職因生童請業無資每年加送火食京錢二百千文請掌教住院督課數年以來由卑職捐廉致送今據司事稟稱田租較昔年已增經費有盈無絀請將掌教火食京錢二百千文自本年起歸書院支送至延請掌教聘金程儀及每月官課加獎銀兩生童點心錢文數款仍歸卑職捐給再卑縣地瘠民稠貧寒之家無力延師子弟每多

敬簡堂學治雜錄

卷二

三

廢棄卑職飭司事在北門城內東門外大街添設義學二所俾童穉入學習業幼讀詩書長知禮義於風俗人心不無裨益訪延塾師二人每人每年各送束脩京錢六十千節禮六千共京錢一百三十二千文在書院經費項下支給書院東義學塾師祇有束脩向無節禮亦應一律照送以示公溥書院每年收租京錢一千零一千四百八文除開銷掌教塾師脩脯等款外尚餘京錢二百三十餘千文足備修葺房屋添置器具及一切雜項等用派司事貢監生曹淇增生蒙擢魁廩生孫蘭皋

附生許燦麟秉公經理出入帳目立簿存記年終將收支總數榜示講堂總期事歸實濟款不虛糜庶足以杜侵蝕而免廢弛所有增修書院清丈田地添設義學各緣由並酌擬書院義學各章程分開清摺及田地租價清冊稟呈鑒核

敬簡堂學治雜錄

卷二

四

重修鴉虎寨義學稟

竊惟邗治以教學為先義塾實養蒙之本卑縣自兵燹後昔有義學率皆廢弛卑職蒞任之初整理書院為生童肄業之所復在城內添設講堂義學並酌議規條剴切勸諭各鄉紳民廣設義學俾僻壤窮鄉寒素子弟幼讀詩書長知禮義於風俗人心不無裨益茲查養賢鄉鴉虎寨莊距城四十里舊有義學一座在該莊天齊廟之東所有田地係鄉民許弼君倡捐創建於乾隆四十七年趙珍等道光年間重修本年因義學司事與天齊

敬簡堂學治雜錄

卷二

五

廟司事互相爭訟卑職查廟地與義學地畝均係紳民捐輸本是合而為一當即按照縣志碑文體察實在情節秉公訊斷將原捐地畝按段丈量分劈為二半歸廟宇半歸義學其劃撥義學官畝地十九畝二分六釐因租穀太少不敷經費又經趙珍等續捐官畝地五畝八分六釐統計義學宅基地畝共二十六畝一分八釐有奇每年應完錢糧銀一兩一錢九分五釐漕糧七斗二升九合三勺若仍取給於地租深慮塾師脩脯尚難寬裕卑職即將該義學應完錢漕自本年秋季起仿照卑

縣書院舊章由地方官捐廉完納以免紛擾而垂久遠  
至義學房屋年久失修諸多滲漏已由卑職捐廉飭令  
修理復整規模嗣後收支租穀及延請塾師派司事趙  
珍邢連許長榮樂玉藻孫階升妥議章程秉公經理總  
期事歸實濟不致日久廢棄除各鄉續立義學另行稟  
報外所有鴉虎寨莊義學地畝房屋逐一丈明理合開  
摺繪圖稟呈鑒核

敬簡堂學治雜錄

卷二

六

創建趙王寺義學稟

竊卑縣前因養賢鄉鴉虎寨莊義學廢弛當將查清原  
有地宅並續捐地畝逐一整理緣由稟陳憲鑒在案惟  
是蒙以養正教育不閒於富貧僻在窮鄉延師多苦於  
無力義學之設固宜隨時興舉廣為勸增俾遂貧者向  
學之心藉啟富者憤發之志或可為敦本善俗之一助  
第事出於因則易責其成事由於創則難於謀始卑職  
於城內書院及城鄉向有義學均已次第整理復酌將  
勸立義學章程發給紳民令其隨地剴切勸導大以成  
大小以成小務在不抑勒不分派各聽其便俾成善舉  
旋據居仁鄉王四衙莊廩生王秀山閭家店監生孫安  
鳳鳳店監生曹遇春等以該里適中之地有公廟趙王  
寺一所內有閒房可立義學為請即派該生等專司其  
事先由卑職捐發一年脩脯節禮共京錢六十六千文  
於同治十三年正月起延師開館仍倡捐廉銀二十兩  
以為一貫之覆該生等亦首先樂輸業地並先後勸據  
紳富人等捐資連卑職捐發銀兩置買田地共三十四  
畝二分七釐有零歲收租價京錢六十八千文以六十

敬簡堂學治雜錄

卷二

七

六千文為延師脩脯節禮之需下餘二千文存備義學  
零用各項並由該生等擬定條規呈驗地契前來卑職  
督飭逐一丈量繪具段落四至地圖同各契一併存卷  
仍將各地每年應納錢糧正銀一兩五錢八釐漕糧正  
米九斗一升八合四勺撥入義學並諭令該司事王秀  
山等將一切事宜妥為經理不得始勤終懈以期垂諸  
久遠其義學地內錢漕仿照書院舊章及鴉虎寨義學  
之案自光緒元年春李為始均由地方官捐廉代納俾  
義學多得一分地租即多濟一分實用於寒儒不無稍  
敬簡堂學治雜錄 卷二 八

有裨益除其餘各鄉再行隨時勸辦外所有縣屬居仁  
鄉創立趙王寺義學捐置地畝並將地內錢漕撥歸官  
捐緣由理合開具地畝清單呈鑒核

賓興經費稟

竊維

國家設科取士三年大比宴啟鹿鳴儒生握瑾懷瑜十載  
寒窗秋思鶚薦庭槐豐蔚宏開文戰之場行李馳驅快  
靚公車之捷家有素封之號資斧何難士當困苦之時  
綈袍誰贈因此囊錐在手伏櫪徒悲何時席帽離身奪  
標遂願矧臨齊地多澆薄既鮮盈室之藏閭境俗尚樸  
勤絕少輟耕而讀雖英年攻苦不懈白屋之功而措大  
維艱或墜青雲之志卑職身為司牧目擊情形歷科捐  
敬簡堂學治雜錄 卷二 九

送卷資諸生頗知奮勉本年又值試期照章悉予體恤  
願泉分廉潤未為歷久成規惟用有常經俾可因時定  
制茲卑職倡捐廉銀一百兩邀集紳富捐銀四百五十  
六兩按照市價兌換制錢九百七十八千四百文再由  
卑職捐錢二千一百文湊足制錢一千串交富商  
一分行息以光緒元年四月初一日為始所生息錢為  
闔邑鄉會試賓興之費差幸眾舉共舉集狐腋之一裘  
庶幾赴試有資奮鵬飛於萬里謹呈酌擬章程摺並捐  
輸姓名細數清單稟請鑒核



重建普濟堂稟

竊卑縣普濟堂建自何年已無可考檢查檔案僅有雍正年間卷據亦復殘缺不齊百餘年來地畝迷失房屋傾圮道光二十五年前縣沈令重修縣志亦僅就當時有戶佃種官買紳捐義田三頃九十畝零登註迄今又三十年矣兵燹之餘卽向有認佃之地各佃戶私相授受按冊而稽全非本人租多拖欠地亦率皆短少卑職履任後詳查報銷案據與實在收養貧民迥不相侔而且領口糧者分爲四季散放閩不加增錢數參差當因

敬簡堂治雜錄

卷二

十

租無可加而入堂貧民日眾隨卽捐廉廣爲收養且照向例改爲每月散放一次親自監查去其浮濫補其眞實數年以來訪諸輿論遍搜舊案逐漸釐剔用於去冬今春將有可追尋地畝按段查清較志書所載多出地九十餘畝並將普濟堂基址周圍之地文查清楚捐廉暫蓋房屋數間俾貧民得所棲止惟縣境地瘠民貧鄉民多甘租糶地內播種雜糧十居七八若令租戶以雜糧繳租則每年數目或此多彼少或此少彼多未能劃一若統令換易粟穀則多一番交易鄉民錙銖必較又

恐窒礙難行今凡認佃之戶定爲一律交納租錢將地

分爲四等每畝自京錢一千五百文至每畝八百文爲率戶須殷實且須的保方准發給印照領種以免再有欠租轉佃等弊至支發口糧之數查養濟院正浮額孤貧每月支銀三錢除去減平按照市價長落每大建月分支京錢九百餘文暨一千零數十文不等普濟堂係地方公款凡報入食口糧者先入堂而後入養濟院未便將所給口糧加多於養濟院之數茲擬大建正養貧民給口糧米折京錢八百文鹽菜京錢一百文續養貧

敬簡堂學治雜錄

卷二

十一

民減半給支小建照扣閩月加增如此變通辦理似於矜孤恤寡之意不無少有實濟第地租口糧均已另定章程則從前造報不相符合之處自應據實更正改換冊式以昭核實而垂永久是否有當理合將普濟堂地畝招租清冊並修復房開節酌擬章程開具清摺稟呈鑒核

查辦保甲稟

竊編查保甲為弭盜安良之善政疊奉各憲札飭遵辦卑職於到任後即出示曉諭闔境紳民實力奉行並因歷頒章程款目繁多且有因地制宜須酌量變通之處不能不斟酌盡善卑職即就原頒章程內參酌時勢另立簡便易行章程十條仍以十家為牌設立牌長一人惟牌長之外不再另立保甲長等名目擬即不論村莊大小每莊各立莊長一人飭令協同本莊紳耆董司其事莊長係由莊眾公舉勤慎公正之人奉官驗充牌

敬簡堂學治雜錄

卷二

七

尚如式城內關廂亦由卑職督同地方挨戶編查統計卑縣城鄉共二萬四千七百八十五戶男女大小共十一萬六千二百七十八名口卑職攜帶各册親自下鄉抽查亦俱相符現已按册填發門牌及十家牌飭令懸挂並另發空白格册二本並給筆墨飭令照前填註一送縣存案一留本莊備查以後即按半年換册一次按一年換門牌一次遇有遷移生死事故添註明晰牌內如有窩盜為匪之家責成牌長隨時稽查密稟倘敢徇隱一併究治並令按牌分段按戶出夫輪流支更設遇

敬簡堂學治雜錄

卷二

七

外來匪徒立即鳴鑼為號羣起掩捕城鄉客店亦令各立號簿一本如有往來投住之人務即詢明年籍姓名以及來蹤去迹作何生理於簿內逐一註明每晚送縣查驗如有形迹可疑之人即行稟究卑職仍會督營典輪流親往稽查倘無匪徒潤迹闖闖亦甚安堵除仍認真稽查不敢徒託空言虛應故事外所有卑縣查明闔境保甲戶口數目理合開造清册並將辦理章程及牌册各式一併稟呈查考

獲要犯馬金平稟

竊同治九年九月二十四日奉步軍統領衙門派委右翼委翼尉廣忠帶領弁兵十餘名到縣卑職詢據廣翼尉密稱八月十八日京都德勝門大街刺殺戶部主事福珣一案現獲王壽松三等供出案內正兇馬金平即馬三查係陵縣回民現已潛逃回籍特雇眼綫跟蹤訪拏前來帶有步軍統領衙門護牌并馬金平年貌籍貫單一張送縣查核卑職隨查步軍統領衙門護牌內開本衙門揀派右翼委翼尉廣忠帶同弁兵前往德州陵

敬簡堂學治雜錄

卷二

五

京貿易至九月二十三日回家至戶部主事福珣被刺一案供詞甚爲游移查該犯面貌兇悍膂力甚大難保非因恃無質證任意狡避惟係步軍統領衙門指拏之犯卑職未便稍涉刑求自應將犯解赴京都提同已獲各犯質訊究辦第外解人犯向應稟請憲示再行起解今此案情節重大廣翼尉以刑部現有候質人犯限期緊迫急欲將該犯押解赴都質審卑職亦未敢拘泥舊章惟有先行解質當將該犯馬金平嚴加鎖錄會營多派兵役並請東治營王軍門添派弁勇於二十六日黎

敬簡堂學治雜錄

卷二

五

明幫同廣翼尉帶來弁兵將犯護送至德州交替轉遞前進所有獲犯訊供起解緣由理合稟報查考

獲逸犯孫清仔稟

竊查前蒙憲臺批據卑縣民劉江以賄差縱兇等情呈控孫清仔等一案飭即勒緝孫清仔到案確訊究辦等因當經卑職因提訊原告劉江供稱所控各情均係得自傳聞並無切實證據而被告孫清仔又復恃無實證堅不承認案延日久一時查無實據是以先憑所訊供情具文詳銷在案惟查同治九年二月間卑縣老莊戶莊民張均地內受傷身死之無名男子是否即係劉江之弟劉許仔屍身並被何人殺害迄今兩載有餘案未

敬簡堂學治雜錄

卷二

六

破獲卑職於詳銷後仍隨時密加訪查旋聞劉許仔有因勾拐婦女致被孫清仔殺害情事隨卷查卑前署縣恆令前驗無名男子屍旁遺有絨花粉盒確係婦女之物其情更屬可疑茲於同治十一年五月三十日卑職於編查保甲之際查出孫清仔家有一外來之文名曰張姐當飭該管莊地密傳送案查訊據張姐供稱年十七歲係直隸獻縣人家有親屬已死陵縣人劉許仔雇給伊家傭工同治九年正月間伊赴舅父劉保升家探望至二月初七日劉許仔用馬往接回歸行至中途遇

見孫清仔一同將伊拐逃初八日夜行至陵縣老莊戶莊地方劉許仔與孫清仔口角孫清仔將劉許仔砍傷身死後將伊送至孫清仔家各處藏匿現被訪獲等語質之孫清仔無可狡辯供認聽從劉許仔誘拐張姐來陵後因爭奪張姐中途與劉許仔口角伊用劍將劉許仔砍傷身死屬實查問兇器係屬斷劍一口當時掠棄屍旁查恆令前驗無名男子時屍旁遺有斷劍一口業已帶回存庫當飭該犯查認相符是卑前縣前報縣民張均地內受傷身死之無名男子即係劉江之弟劉許

敬簡堂學治雜錄

卷二

七

仔屍身並被孫清仔殺害已據孫清仔供認不諱並有被誘之張姐眼見可證案無疑義雖現訊供情核與前詳不符惟案關人命情節重大卑職既不敢因查無實據即指孫清仔爲此案正兇現既訊出實情亦不敢因詳銷在先稍涉回護惟有據實直陳以期案歸覈實除關會直隸獻縣查明張姐被拐有無報案並再提犯研訊確情錄供通報外所有訪聞獲犯訊供大概情形合先稟報查考

獲匪徒朱承恩等稟

竊同治十年五月二十五日據卑縣西北鄉盛家莊民盛朝宗呈報本日早有西北突來頭戴藍頂身騎馬匹口稱馬姓帶領步下一共十餘人內有戴水晶頂及白頂者各一人執持令箭各帶刀械直入伊莊並無旗幟號衣口稱係奉直隸駐紮安陵之劉統領差委密拏要犯將伊父盛慶伊堂叔盛漢伊兄盛朝周一併拏去據稱回見大人辦理不知究因何事理合呈請查究等情到縣查該處距城八里與德州交界雖距直省甚近惟

敬簡堂學治雜錄

卷二

六

盛慶等不知究竟身犯何罪如果實係劉營派兵往拏因何並未來縣知會且該弁等獲犯後即行出境究竟有無攜帶印照更屬無從稽查當即派役跟蹤前往密查此起弁勇於二十五日即住直隸楊家寺次日移住新鎮店並未回營事甚可疑惟事在隔省真偽莫辨卑職未便越省往查當即移會城汛把總党恩洲攜帶卑縣公文馳赴直隸安陵面稟劉統領查明辦理一面卑職派役連日確探訪聞有假冒捐職縣丞之德州人劉均與直隸新鎮店人于添貴從中申說令盛慶先行回

歸取銀往贖其為匪徒無疑卑職當即購覓眼綫於初二日夜將劉均密拏到案訊據供認勾結直隸景州人

朱承恩捏稱馬姓頭戴藍頂高富榮頭戴水晶頂封有義頭戴白頂並金華朱五朱七白姓馬姓陳姓劉姓等一共十四人冒充官勇潛赴盛家莊將盛慶等三人拏至直隸新鎮店索銀勒贖屬實正在稟報開初四日晚党把總回陵並接統帶直字各營劉鎮軍來函知党把總到營後面見劉鎮軍查無派弁赴陵查拏要犯情事當派弁勇會同党把總暨吳橋安陵汛王千總於初二

敬簡堂學治雜錄

卷二

五

日先至新鎮店由党把總帶去之眼綫將說事人于添貴拏獲訊出此起假冒官弁等人均逃往柘園河西當即跟蹤追捕於是晚在河西小店內將朱承恩即朱春田高富榮封有義三名一併拏獲其餘夥從先已逃散該犯等四名均由劉鎮軍派來弁勇帶赴安陵大營訊認同到盛家莊捉人屬實惟朱姓于姓供詞狡展尚須覆審先令党把總回縣俟覆訊確實再行移覆等因查此案逸犯金華等均係隔境民人獲拏頗甚不易除仍由卑職購綫嚴拏務獲並研訊劉均確切供情稟報外

所有現獲各犯訊供大概情形合先稟報查考再此案  
會同劉營拏獲之要犯朱承恩等三名並要證于添貴  
一名據党把總回縣云稱劉鎮軍意欲歸直審辦惟事  
主盛姓及已獲之劉均俱在卑縣究應如何辦理之處  
卑職未敢擅便伏乞訓示祇遵

敬簡堂學治雜錄 卷二

子

起解匪犯劉均稟

竊同治十年十月二十一日准直隸景州移開奉直督  
憲李批據景州稟報關提山東陵縣劉均到案訊與于  
添貴供詞相符惟在陵縣所犯各事忽認忽翻可否解  
歸陵縣審辦應請查核示遵緣由蒙批查該犯劉均既  
經供認夥同朱承恩等偽造假札冒充勇詐不諱  
惟其前在陵縣所犯各情忽認忽翻案難懸定自應解  
歸東省提證訊明從重擬結以免狡延至于添貴一犯  
訊止商同起意訛詐並無另犯不法別情如稟遵照新

敬簡堂學治雜錄 卷二

三

章擬發極邊煙瘴充軍仰按察司迅即轉飭該州選差  
妥役移營撥兵將劉均一犯小心解回山東陵縣收審  
具報並飭將于添貴一犯覆審按議解勘等因並准德  
州轉准景州將劉均一犯遞解到縣當經卑職提犯覆  
訊據劉均即劉陶菴供認前在陵縣充當庫吏後因虧  
空銀兩經羅前任將其管押脫逃旋即私立偽團挾制  
官長假冒官職哄騙鄉愚並起意勾結朱承恩等捏造  
假札冒充弁勇妄拏盛慶等案詐各情不諱查該犯劉  
均前充庫吏嗣因虧空銀兩在押脫逃旋即私立偽團

挾制官長雖無案據可查惟訊之卑縣書役人等眾口皆同卽假冒縣丞官職既有該犯分送報單可查又有前在該犯身邊搜出吳懷恩信片可憑此外在陵並無另犯重情尙須提證質訊之處乃景州既將該犯劉均關提至直提同于添貴質明夥同朱承恩等僞造假札冒充弁勇妄拏盛慶等索詐屬實又因其在陵所犯各情忽認忽翻仍將該犯解回查該犯本係首先起意勾結之犯乃在景州祇認同夥明係任意狡避第案情重大可否將犯解省覆審從重擬辦抑應如何辦理之處

敬簡堂學治雜錄

卷二

三

卑職未敢擅專合將覆訊劉均供詞及前在該犯身邊搜出吳懷恩等信片一併開具清摺稟請查核批示祇遵

獲革捕曹平稟

竊同治十年七月十九日卑職會同德平縣暨管帶巡緝營周令拏獲積慣窩匪之革捕曹平一名解經德平縣訊囚犯供狡展業已會稟各憲將犯解歸卑縣審辦在案茲卑職連日提犯研訊據曹平卽曹相平又名曹延平曹盛三供陵縣曹家寨人年四十八歲同治三年二月間曾被華前縣拏獲到縣因伊未認爲匪情事至同治六年保釋伊卽改名曹復興充當本縣捕役後因誤公經恆前縣革退伊卽回家窩留本縣前獲之楊侯

敬簡堂學治雜錄

卷二

三

仔楊銀仔病故之麻捻德平縣拏獲之劉二齒牙張二已死之尹振東在逃之孫三許秋林許樂仔夏迷遠宋丫頭侯慶仔張福熊小仔卽熊香庭先後在家居住同治九年五月初六日夜尹振東與楊銀仔孫三許秋林許樂仔夏迷遠同夥六人行竊縣境事主朱奉亭家牛隻八月二十九日夜伊與楊侯仔麻捻劉二齒牙張二孫三宋丫頭侯慶仔同夥八人行竊事主徐臣家衣服首飾錢文九月間孫三又與張福熊小仔等行竊不識姓名事主家牛驢先後將各賊送至伊家交伊分別賣

與張士敬張福友等得錢均分即在伊家賭博花用此外並無窩夥竊劫別案等語再三究詰供仍如前卷查同治三年二月閒卑前縣華令因訪聞該犯曹平與任鎖仔均係馬賊即經會營購綫將犯拏獲疊訊各犯供詞異常狡猾堅不吐實旋將任鎖仔解赴高唐州審辦業將獲犯訊供原由先後稟明各憲在案嗣前任樊令因該犯未認爲匪情事將其開釋恐其出外滋事飭令充當捕役旋經恆前任因事革退乃該犯不安本分輒敢在鄉窩留賊犯至十餘名之多日則開場聚賭夜則

敬簡堂學治雜錄

卷二

雷

四出偷竊且聞該犯時與馬賊往來即窩留之賊亦半係已革捕役一經犯事即赴該犯家窩藏行竊以爲潛身之地實爲地方大害卑職前獲賊犯麻捻等訊悉情由即經會營往拏無獲旋復購覓眼綫各處偵緝該犯聞風潛逃出境半載以來報竊之案日見稀少足見該犯爲一境之害前據卑縣所雇眼綫稟報曹平在樂陵邊界潛匿是以密商周令等會合兜拏今既將犯拏獲若仍拘泥定例按照捕役窩賊行竊及山東省窩賊至五名以上均罪止擬軍該犯係已革捕役又爲著名積

窩情節較重應否從嚴懲辦以靖地方之處卑職未敢擅便理合稟請查核批示以憑遵辦

敬簡堂學治雜錄

卷二

雷



研訊曹平稟

竊同治十年十一月初三日蒙憲臺批據卑縣具稟覆訊革捕曹平供詞異常狡猾仍請示遵緣由蒙批查該犯曹平始以窩賊充捕繼復以革捕窩賊怙惡不悛情實可惡該令既訪知其積惡深爲民害卽應除之以安良善豈可因犯狡展稍涉輕縱卽再提犯設法切實研鞫如復狡不承招祇須將其惡迹指證確鑿卽行就地正法具報以昭炯戒仍錄批申報臬司知照繳等因遵卽監提革捕曹平到案切實研鞫供仍如前狡不承

敬簡堂學治雜錄

卷二

美

認爲匪不法別案隨傳該管地保曹相臣到案訊據供稱曹平實係著名匪類咸豐十一年間曾在德平縣李合務莊李祖林卽李耘芝黑團內隨同訛搶滋事後被臨邑陳團擊散曹平卽行潛逃同治三年蒙華前縣訪聞獲案監禁多年旋得充爲捕役八年閒因誣擊良民杜長齡爲竊經恆前縣查知其責革曹平回家復卽窩留賊匪多人分赴各處偷竊肆擾多年雖被害之事主伊不能盡悉但曹平窩留之孫三等實係著名馬賊人人皆知且該匪等時來時往地方大受其害伊因畏

其兇橫是以不敢具稟等語質之曹平祇認咸豐十一年在鄉私充團長辦理防堵屬實並無與李祖林黑團

合夥訛搶情事同治八年伊充當捕役時因誣擊杜長齡私押蒙恆前縣責革伊卽回家窩留孫三等十餘人先後行竊事主徐臣等家衣物牛驢別無搶劫之案至孫三等是否馬賊伊亦不知情等語再三究詰堅不供吐實情明係有意狡展隨卷查同治八年六月閒據縣民杜長齡等以捕役率領多人執持鎖鍊將其鎖擊到寓私刑拷打逼令承認偷竊並妄攀張大儒等訛詐因

敬簡堂學治雜錄

卷二

毛

伊不認將伊吊在樑上幾致斃命等情呈控到縣並據張大儒呈同前由經恆前任提集質訊屬實當將曹平嚴責管押詎曹平旋卽在押脫逃緝擊未獲在卷查該犯曹平先則隨同李祖林黑團訛搶滋事已屬不法乃以漏網之餘得充捕役不思安分守法輒敢誣良爲竊妄擊拷打迫被革之後又復窩留賊匪至十餘名之多肆行偷竊並與馬賊孫三等交結往來爲害閭閻已數年之久實屬怙惡不悛目無法紀乃疊次嚴訊該犯一味刁猾狡不承認第該犯惡迹訪詢紳民人等眾口相

同並據地保曹相臣具有切實供結亦屬相符似未便  
因犯供狡展稍涉輕縱自應遵照憲諭卽將該犯就地  
正法以除民害當於十一月初四日將該犯曹平卽曹  
相平提至當堂將其惡迹逐一指證後卽行綁赴市曹  
就地正法以昭炯戒而安閭閻除錄批申報外所有遵  
批研訊革捕曹平供詞及正法日期理合稟報查考

敬簡堂學治雜錄

卷二

天

獲掘墳要犯劉臣稟

竊據縣屬地保劉逢祥稟據莊民吳逢祥投稱伊妻李  
氏於本年三月二十六日病故埋葬莊外地內今見伊  
妻墳塚有創毀形迹顯有被人發掘情事囑爲稟報等  
語往看屬實正在稟報間適有同莊人劉臣持有女衣  
變賣卽令吳逢祥認明確係伊妻裝殮衣服隨將劉臣  
獲住並在劉臣家起出衣片多件合報勘訊等情並據  
屍夫吳逢祥呈同前由各到縣當將劉臣提案訊據供  
認因貧難度諗知吳逢祥之妻李氏病故裝殮豐厚嗣

敬簡堂學治雜錄

卷二

天

聞埋葬莊外地內伊於本年四月初三日夜獨自一人  
刨開吳李氏墳塚開棺見屍竊取棺內衣服不諱卑職  
隨卽會營親詣該處勘得吳逢祥之妻李氏墳塚委係  
被人發掘開棺見屍竊取屍衣屬實查驗屍身業已腐  
爛頭髮脫落骸骨並無殘毀損傷勘畢集訊地鄰屍親  
人等供各相同飭紀估贖值銀二兩餘開單附卷除再  
行研訊確情錄供通報外所有勘訊大概情形合先稟  
報查考

東省盜墓之習比比皆是蓋因挖煤之流善開地

道嘗於數里或十數里外盜掘雖有看墳人不得知卽知亦無從捕拏經年累月被獲卒鮮此案吳逢祥妻墳被掘通知編查保甲派充之莊地劉逢祥劉逢祥堅囑吳祕而勿揚恐經報勘盜懼遠颺旋經劉逢祥察有族人劉臣持衣片易錢齊集莊眾捕獲賊盜始偕事主報縣余廉得其情嘉其有識旋卽勘詣追出典質女襖驗訊悉符獎勵劉逢祥以激其餘亦行保甲之力也 又記

敬簡堂學治雜錄

卷二

三

獲要犯楊志嶺稟

竊前據縣民趙順亭以父被慘殺等情上控楊志嶺等一案蒙憲臺批飭解府審辦等因旋蒙本府節次委員守提遵經卑職疊次差拘因要被楊志嶺逃避外出未能獲案其餘被證亦多身故以致案懸日久未能解審業將查拘未獲緣由先後稟明本府在案惟查此案要被楊志嶺係糾毆致傷趙順亭之父趙雲山身死案內之犯經卑前縣羅令將其獲案監禁詎該犯於咸豐十年九月間暗約其弟楊存孝糾眾劫獄該犯與另案在

敬簡堂學治雜錄

卷二

三

監人犯多名均各脫逃經各前縣屢次飭差查拏總未將該犯拏獲同治八年據趙順亭之祖母趙張氏以正兇脫獄子命無抵等情赴京控蒙都察院咨解回東行蒙臬司委提人卷審辦經卑前縣恆令拏獲案內被告楊子普張朋友二名解至平原縣境被該犯親屬追至中途奪犯逃跑其餘被證亦未拏獲當經稟蒙臬司以被證未獲案難審辦將原告趙張氏先行釋回詳請憲臺咨明刑部展限嗣據趙順亭與其母趙麻氏先後由府赴司控蒙憲臺批飭嚴緝又經卑職比差勒緝亦未

將楊志嶺獲案現雖事隔十餘年之久案內人證半多死亡惟查楊志嶺本係劫獄脫逃之犯並有閩縣紳耆公稟該犯於脫逃後聚眾赴鄭誦先家滋鬧之案似此兇橫不法之徒未便任其漏網今卑職屢次派役密加查訪探知楊志嶺業已潛回原籍且有架唆劉彥涉訟情事仍屬不安本分卑職隨於光緒元年三月二十日帶領勇役不動聲色將該犯楊志嶺密拏到案訊據供認糾毆趙雲山身死獲案監禁旋經伊弟楊存孝糾眾劫獄脫逃不諱自應傳同原案人證將犯一併解府審辦惟該犯本非善類前曾私充團長黨羽甚眾且在卑縣劫獄脫逃之犯若俟傳齊人證再行起解有需時日恐致故智復萌應即將該犯先行解府以昭爰逮而免別滋事端除由卑職另備文批多派兵役將該犯楊志嶺先行解府收審並俟傳齊案內原被人證續解外所有拏獲趙順亭上控案內多年未獲劫獄脫逃要犯先行解府緣由理台稟報查考

敬簡堂學治雜錄

卷二

三

敬簡堂學治雜錄卷三目錄

勸設義學示

採訪節孝示

觀風示

決科示

諭生童示

校閱武生示

勸農示

查辦保甲示 附查客店示

敬簡堂學治雜錄

卷三目錄

一

再查保甲示

設立義塚示

刊發勸善書示

嚴禁逼嫁孀婦示

嚴拏訟棍示

嚴懲賭棍示

敬簡堂學治雜錄卷三

丹徒戴杰存稿

勸設義學示

照得四民之中士居其首五教之設學統其全陵縣素稱文物之區民多好學城內原有三泉書院爲生童肄業之所乃歷年未能善於經理以致諸事廢弛現經本縣飭令首事將書院房屋逐一修整酌捐廉俸加送脩脯延請山長到院督課主講俾得重興文教培養真才於士習民風大有裨益惟鄉間並無義學誠恐少年子

敬簡堂學治雜錄

卷三

一

弟或因家貧無力讀書雖有穎資遂致廢棄殊爲可惜日前本縣邀集城鄉各紳士面爲勸諭令其各就村莊之大小籌捐經費設立義學延請品學兼優堪以訓迪之儒師以資教讀各該紳士等均甚踴躍樂從茲本縣酌定章程合行出示勸諭爲此示仰閭邑士庶人等知悉自示之後務各妥籌經費遵照章程卽速延師設學稟明辦理立學之後凡有貧寒子弟赴義學從師肄業不必另備脩脯務以勤學爲先庶幾日就月將里革舊陵之習朝絃夕誦人懷奮勉之思於以彰文教而厚民

風本縣實有厚望焉

敬簡堂學治雜錄

卷三

二

採訪節孝示

照得天下最難得者完人婦女所最重者節孝凡孝親撫孤全貞守節者即屬當世完人宜沐

熙朝曠典查十室之邑必有忠信況東省為聖賢桑梓陵邑乃禮教名區應不乏貞孝節烈之婦女若竟任其湮沒無聞殊非闡揚潛德之道本縣蒞任伊始首以表正人心維持風化為務合亟出示採訪為此示仰閭邑紳耆人等知悉務須博訪周諮確查詳核一邑之內無論本莊外村如有未婚丈夫亡守貞並孝女以父母未有敬簡堂學治雜錄 卷三 三

子孫終身奉親不嫁者或孝女順媳割臂療疾者或烈婦因夫亡以身殉節者以及婦人三十歲以前夫亡守節現已五十歲或年未五十而身故其守節已及十年者果係貞孝節烈有一於此無論年分遠近婦女存亡但實迹彰彰可考立即開明本人年歲事實遵照歷奉撫憲飭行定章出具縣學各生並地鄰族長切實甘結赴縣具稟即由本縣移會兩學查照加用印結一月一次造具總冊總結逕詳大憲題請

旌表遵章不經各衙門核轉以免輾轉耽延俾貞孝節烈

婦女之姓氏上達

宸聰永傳後禩生者榮耀里閭歿者增光泉壤且令世之為婦女者皆知守節盡孝可以流芳百世庶幾共相砥礪大義昭明其裨益於世道人心豈非淺鮮本縣捐廉每辦一名酌發京錢四百文已諭飭禮房隨到隨辦不准向本主及具呈人需索分文並俟撫憲批發表揚牌到縣先由本縣捐廉每名賞給紋銀一兩製備匾額懸掛里門以資觀感而昭幽隱所有表揚牌匾額銀均由本縣當堂親交原報人及子孫親族具領不假吏胥之敬簡堂學治雜錄 卷三 四

手如敢借端需索許爾等稟明究辦決不寬縱仍候恩准給旌文札回縣彙案具文補報本府道司各憲衙門備案該紳耆等務當認真採訪加意搜求慎毋觀望不前致湮潛德各宜恪遵

觀風示

照得書升論秀百里亦舉賢才問俗採風十室非無忠  
信矧茲名邑夙著人文城號富平毓三泉之靈秀賢推  
曼倩著七諫之文章辟石鑿為司徒勳垂晉室擢張雍  
以登第名播宋廷節重糧儲藺大夫忠貞共仰墅成槐  
里康侍御風雅羣欽亦越我

朝聿鍾名俊科第則綿延勿替詩書則絃誦相聞良由居  
近聖人久沐尼山之澤是以邑多君子彌增志乘之光  
溯彼先型鴻名永著念茲後起蛾術宜勤本縣世受

敬簡堂學治雜錄

卷三

五

國恩親承祖訓讀書廿載用愧通經作吏十年仕猶好學  
向以柳營從事磨盾不遑今者花縣膺符鳴琴有志非  
敢冀魯公之治足與比隆竊願如澹臺之賢得之斯士  
爰效輜軒之訪以求楨幹之材為此示仰闔邑貢監生  
童知悉本縣擇於七月初一日扁門考試爾等屆期黎  
明齊集聽候點名染翰風簷共擅雕龍之技加評月旦  
略窺全豹之斑想平時學足三餘腹能起橐看此日章  
成七步口定生花轉眼鹿鳴喜燕嘉賓於莘野揚馨魚  
化還儕學士於蓬瀛勉爾華

國之文副余求賢之望

敬簡堂學治雜錄

卷三

六

決科示

照得鹿鳴食野葦蒿則致咏嘉實鳳臚高岡梧桐則載歌吉士典隆大比爰選秀於三年任重獻書先掄才於羣吏我

國家闢門籟俊舉孝與廉在臨齊勝地多材席珍待聘生等生逢

昭代思會合於風雲居近聖人沐聲靈於禮樂久矣學勤蟻術拾芥能期宜乎願遂鵬飛占榴叶吉本縣家傳詩禮世澤科名芸案廿年每下帷而勵志棘闈再戰始囊

敬簡堂學治雜錄

卷三

七

筆而從戎既隸風塵一行作吏未忘結習多士能文為此示仰本年鄉試諸生知悉本縣擇於本月初十日前赴書院局門考試生等務於黎明齊集聽候點名藝定兩篇翔龍耀鳳詩成八韻刻翠裁紅五色花生定有江淹妙筆萬言日試疇推太白揮毫本縣親事丹黃謬司月旦諸生藻扞錦繡羞取雷同分薄俸以佐阮膏潛心繼魯超凡羽而瞻鶴立引首冲霄共奪錦標漫道是龍不信爭聯玉筍更期題雁同登勉爾雲程殷子日望

諭生童示

照得書院之設為

國家儲育人才之地允宜品行為先而文藝其次願士子進身伊始莫不由敷奏以言未有不能通經而可致用者此考校文藝所以必須認真未可濫取也況勸說雷同希圖倖獲非特文字不工其品行亦可想見本縣實事求是萬不以姑息為寬大邀虛譽於士子致士習日即於澆漓有負建立書院之本意查舊卷向來書院超等生不過八名上取童不過四名定例甚嚴所以重考

敬簡堂學治雜錄

卷三

八

覈而虞浮濫也本縣自履任以來值兵興以後諸生荒棄本業已久若不量加鼓勵誠恐一時未能振作是用照歷來推廣之例生童膏火增至五十名之多月課復捐廉加獎非徒為寒士資其攻苦實望士人益砥廉隅俾品行文章均可成就得以乘時上進自奮功名意至切也乃近閱課卷不惟鈔襲雷同仍復疊見甚或一人冒領數本及迫於寸晷竟有不完卷而出者至如文不對題或一篇而互相襲取語句雜出敷衍成篇如此等弊十常八九該生童等豈不知本縣秉公衡鑑萬無倖



邀而甘爲此草率搪塞不自愛若此耶良由取數太寬  
往往投卷不及百人倖其取不足額雖無佳文亦可冀  
得膏火加獎是本縣以濫與爲恩致啟倖獲之漸且使  
努力進取之士與苟且徼倖之人同一領獎亦不足以  
示優異爲此特諭各生童等自此次曉諭後如果各能  
勉力作文實數取數本縣仍照向章發付倘仍蹈前習  
所有各項膏火加獎本縣並不吝於出納仍係照章發  
下不扣銷銖惟所定人數祇取佳文不以濫竽充數應  
得膏火加獎照扣發者按數加給超等前列之人以爲

敬簡堂學治雜錄

卷三

九

祇彌潛修者勸庶抑徼倖詭得之風俾眞才益知奮勉  
用副本縣培養士類之至意該生童等其各自愛

校閱武生示

照得和容興舞射儀特備於地官刻注參連射法肆詳  
於保氏古者射以觀德有由來矣況我

朝設科取士或力誇如虎發必應弦或勇著麗龜奇能破  
的惟技能之素習斯術業之專精也爲此出示曉諭武  
生本縣慨捐鶴俸閱爾鳩儀習射之餘復觀刀石茲擇  
於每月初十校射大堂務先期以報名毋後至以自誤  
張弓挾矢宜踴躍而咸來擅技呈能自強弱之立判分  
中數之多寡定獎賞之有無庶幾中鵠有心射鵬好手

敬簡堂學治雜錄

卷三

十

或挽強以命中或負重以稱能況三年大比之期正多  
士進身之日果其弓調手習體正心平自爾巧至力從  
主皮貫革射百步以外之物技可穿楊具千人共見之  
材質饒成竹行見雲開鵬翮扶搖而萬里搏風陌上馬  
蹏蹠踐而九秋得意余所望也生其勉旃

勸農示

照得貴粟重農漢詔播西京之政于邦舉趾幽風著東  
作之文餘九餘三富饒則詳於王制多黍多稌豐亨則  
載在詩篇秋慶西成必先三時不害春勸南畝乃能百  
穀咸登在昔時置乏無虞固編氓勤劬所致也本縣洺  
任於茲將兩載勸農是務諭爾羣黎厥田上中青州  
之壤其利黍稷職方所書值此風雨知時喜豐年之可  
慶尤貴耕耘應候盡穡事以無荒勤播種則事重丁男  
任紡織則責專子婦宜樹木者或植果而種桑宜水田  
敬簡堂學治雜錄 卷三 七

堯天

昇平普慶更宜農時不失力盡田功犁雨鋤雲預卜豐占  
玉粒芸苗布穀自爾瑞兆金穰占魚夢而樂溥同人時  
逢西熟祝豚蹠而年書大有俗免庚呼爾等其各懷遵  
本縣固所深望

查辦保甲示

照得編聯保甲為除莠安良之善政此次本縣舉辦事  
事官為經理不准書役一人下鄉致滋索擾爾紳耆莊  
長地方人等但須查照章程將村莊戶口產業住址確  
切清查照數填註清冊送縣察核填給門牌隨時更換  
以期實力奉行除將議定章程另行刊發外為此示仰  
闔邑軍民人等知悉爾等須知保甲一法可以靖本地  
之匪徒可以捍外來之宵小奸宄無從託足閭閻自獲  
又安其各挨戶編查不許隱漏給發章程係本縣悉心  
敬簡堂學治雜錄 卷三 主

附查客店示

照得客店稽查行旅最為弭盜良法如能認真盤查  
盜賊自無從託足是以本縣前於查辦保甲之時立  
有章程責令各客店設立號簿實力稽查遇有形迹  
可疑之人即行告知牌長等獲送訊究並屢次出示  
諄諄曉諭原為綏靖地方起見無如各客店往往視  
為具文並不照章辦理以致匪徒濶迹其間毫無覺  
察似此虛應故事殊堪痛恨合再剴切曉諭為此示

仰開設客店人等知悉自示之後凡有往來投宿行旅爾等務須逐一查明姓名籍貫並其來蹤去迹有無行李按名填註號簿聽候本縣隨時覆查如有語言支吾行蹤詭祕許卽告知牌長莊地人等獲送訊究倘經此諭之後該客店等仍敢漫不經心盤詰行旅或因貪其微利任令匪徒來去自由並不按名登記號簿一經查出或日後拏獲賊犯訊有在該店住歇情事定卽一併從嚴究辦決不姑寬各宜懍遵

敬簡堂學治雜錄

卷三

三

再查保甲示

照得本縣編查保甲必須實力奉行日久無懈如果稽查不嚴則匪類日聚匪類聚則滋生事端各村莊遵辦保甲業已年餘該莊地牌長造冊呈送頭緒尙多不清查法未能盡悉蓋清查保甲非僅盤詰盜賊及訪拏窩主而已如游手好閒之輩酗酒賭博之徒與夫窩娼窩賭學習拳棒刀棍三五成羣夜聚晝散以及外來流氓來歷不明在集耍拳跑解走狗弄猴打流星變戲法唱歌詞等類均非安分之徒至於鄉間演唱夜戲開設會

敬簡堂學治雜錄

卷三

四

場更易招集匪類貽害地方必須留心盤詰聞乃獲又安本縣親歷鄉陬屢經詰誠各莊地半多陽奉陰違虛應故事且有未將領去門牌懸挂者亦有抗不支更者均屬疲玩不力其認真稽查之莊地如劉向乾莊劉逢祥能將掘墳要犯劉臣訪獲繩劉家莊劉發順能將孫清仔毆死劉許仔案內要證張姐查出送案深堪嘉尚本縣業已從優獎賞餘如容留賊匪在莊潛匿及失察莊民開掘地窖聚賭各莊地均經隨時斥革分別從嚴究辦茲值更造清冊之際本縣不日攜冊下鄉挨戶

抽查合再剴切諭知爲此諭仰閩邑紳耆軍民及莊地牌長人等知悉爾等務須遵照前頒章程認真逐戶細查如有遠出還鄉或全家他徙者重行編造不准遺漏一戶少填一名如有不法棍徒查係本地人民責成該父兄嚴加管束並於冊內註明准其改過自新若係外來奸宄立即稟候拘案訊明遞解回籍不許容留一人領去門牌按戶懸挂需用紙張筆墨冊子等費皆係本縣捐廉辦理不用爾百姓一文如該莊地牌長私自斂錢准即指名喊控定即從嚴照例懲辦各村莊巷觀寺

敬簡堂學治雜錄

卷三

五

廟客店歇家一體編入冊內嚴行稽察莊外如有空廟空窰即行壘塞集鎮爲商賈聚集之處均應修置柵欄日則按牌挨查夜則輪流支更毋得始勤終惰自此次曉諭以後牌內倘有窩盜爲匪之家牌長與九家徇隱不報一體連坐莊長牌長若能奉行得力或拿獲匪類送案本縣隨時存記從優獎賞或在鄉欺壓鄉愚挾嫌誣控一經本縣訪查得實定即傳案訊明重辦毋謂誑誡之不早也各宜懍遵毋違

設立義塚示

照得周禮秋官有埋而置榻之文月令有掩骼埋醜之事後世漏澤園之設所在多有凡以心古昔聖王之心不使死者之魂魄實恨無窮也本邑向無義塚境內浮屠之棺或係旅櫬久留或係貧民未葬摧殘風雨暴露堪憐暑後普濟堂舊址及西北隅等處亦多埋瘞叢葬既久沴戾難消良由義塚未立以致到處掩埋本縣身膺民牧目擊心傷屢與紳耆等籌議久未舉辦殊屬惻然去年冬接奉大憲札飭於城鄉衝要之處添置義地

敬簡堂學治雜錄

卷三

六

諄諭實力奉行等因奉此遵即復與紳耆等再四商酌茲據書院首事曹淇等公稟陵邑地僻民貧勸辦非易因書院原置田地係屬閩縣公捐議請撥地二段共計地十畝六分七釐六毫三絲九忽三微設立義塚願樂從懇請立案以垂永久等情本縣查書院地畝本係民捐歷年錢漕係官捐納以公地而立義塚所議洵爲妥協准即立界註冊除稟批示存案外合行出示曉諭爲此示仰閩邑軍民人等知悉爾等要知義塚之立專爲無力貧民而設或鰥寡孤獨或旅客無依均准前赴

義塚分別男女按段掩埋浮屠之棺亦准送葬俾死者得安窀穸如衣食充足有地可葬者不准將骨肉至親送往埋葬自示之後仰該首事等及該管莊地隨時稽查倘兩處義塚地鄰越界侵佔一經查明亦即送縣照例究辦毋違切切

敬簡堂學治雜錄

卷三

七

刊發勸善書示

古今勸善之書不下數十百種卽如陰騭文感應篇等書言近旨遠無非勸人向善改過使爾等能依其言而奉行之則人人都成好人樂於向善猛於改過那有奸邪悖逆那有盜賊兵戈行兇化行俗美共享承平豈不是大快樂世界無如爾等賢愚不一讀書明理之人尙能識得這箇道理而鄉村市井小民染於積習心中茫昧禮義廉恥置若罔聞苦於無人教導講說以指引其處世立身之道理是以有善而不知爲有過而不知改

敬簡堂學治雜錄

卷三

六

全賴正人君子良師益友朝夕相親言語相勸斷無不返其天良相率而爲好人者本縣自抵任以來息詞訟興學校表節孝查保甲不憚捐廉而孜孜爲此無非冀爾等皆做一箇好百姓茲復將宋御史邦德所作勸諭十二條刊發都是古聖賢教人的說話及爾等近日最易犯的事由其言明白易曉爾等務當各自勉勵並訓誡子孫讀書的人常爲不識字的人講說如此輾轉勸導大眾均知道向善改過不感於邪說不染於習俗庶不辜負

朝廷化民成俗的至意勉之勉之

敬簡堂學治雜錄

卷三

九

嚴禁逼嫁孀婦示

照得婦女以名節爲重夫亡再醮原所不禁至親屬用強逼嫁例有明條是以本縣於到任後卽經出示嚴禁在案今有金家寨孀婦傅呂氏夫故守節與其翁傅連元各自過度既無至親骨肉又無親生子女過繼侯姓之幼子相依爲命零丁孤苦其情已屬堪憫乃傅連元非但不能顧養其媳反因傅呂氏之夫傅相名下遺有產業屢向索借不遂竟敢商同傅呂氏母家過繼之兄呂逢亭意圖涎產分肥未向傅呂氏告知卽將傅呂氏

敬簡堂學治雜錄

卷三

辛

用強搶嫁與馬家酒坊莊王長安家其時傅呂氏一見呂逢亭帶領多入前往卽向哭鬧不肯出門呂逢亭仗恃人多將傅呂氏擁出莊外有莊地沈長海等眼見可證後至官道魏莊又有媒人張洛三等勸說從緩而呂逢亭竟置不聞迨傅呂氏至王長安家忿怒滋鬧卧病不起奄奄一息又有地保李志善等往見嗣王長安因恐釀成人命欲將傅呂氏送至呂逢亭家而呂逢亭堅執不收始將傅呂氏送至趙家寨交傅呂氏之姊趙呂氏家收留傅呂氏方能來縣喊稟本縣察核呈詞實出

情理之外當卽出票拘傳呂逢亭自知罪孽難逃又與傅連元勾通一氣捏稱傅呂氏不守婦道等詞來案訴瀆迫經添傳族長傅奎及莊鄉人等逐一查訊僉稱傅呂氏並無不守婦道情事眾證確鑿可據查此案傅連元雖係傅呂氏之翁惟其前被祖母胞叔呈首監禁日久屢有案據可查此等忤逆不孝之徒本無足道而呂逢亭與傅呂氏雖非同胞所生過繼有年竟不顧兄妹之情始因涎產用強逼嫁經傅呂氏控告猶復與傅連元勾通一氣污毀名節視其居心必欲置其妹於死地

敬簡堂學治雜錄

卷三

三

種種奸險刁惡喪心害理實屬行同禽獸爲此案罪魁未可稍涉姑容本擬從嚴懲辦以儆兇橫而勵風化姑念呂逢亭究爲傅連元所愚本縣法外施仁從寬將呂逢亭傅連元分別僅予責懲並將呂逢亭枷號通衢示眾查傅呂氏夫故守節粹被其兄呂逢亭用強逼嫁竟能堅心不二抵死不從洵屬貞節可嘉諭令該族長傅奎等將傅呂氏原有產業協同查明勒令傅連元如數交還聽其仍回金家寨安度不准短少亦不准傅連元等再行欺陵媒人張洛三等雖係失察於前念其勸阻

於後情稍可原從寬免議娶主王長安事前雖不知情事後供呈兩歧亦有不合第已將傅呂氏送還尙知畏法從寬堂責以示薄懲取具各結附卷在案因思呂逢亭既敢似此不法則一邑之內人心不測恐如呂逢亭者尙復不少與其懲之於事後不若禁之於事前合將此案始末情由詳細示知爲此示仰閩邑軍民人等知悉自示之後務各互相勸勉倘有孀婦自願守志必須勸令終守妥爲保護以全名節夫家親屬斷不可如傅連元之喪心害理母家親屬亦不可如呂逢亭之人面

敬簡堂學治雜錄

卷三

三

獸心垂涎孀婦產業用強逼嫁致令殘弱孀婦冤屈難伸情殊堪憫如敢仍蹈前轍本縣執法如山一經查出或被告發定卽嚴辦不貸勿謂言之不早也各宜懷遵

嚴拏訟棍示

照得安民以理訟為先而欲清訟源必痛懲訟棍本境民情本非刁詐惟性多浮動即易聽挑唆蓋訟棍以刀筆為生涯以煽惑為長技潛藏城市遇事生風人本氣平激之使怒釁本細微攪之成讎迨具控到官便視為利藪於是經年累月糾纏不休節外生枝蘊釀滋大鬼域之謀胡底講張之幻何窮即兩造情願干休而慾壑未盈波瀾又起即官司秉公斷結而禍根未拔舊案重翻種種禍端擢髮難數本縣到任一載獄鮮稽留當堂

敬簡堂學治雜錄

卷三

重

審呈供詞歧異傳案對質大半虛誣現已訪明慣訟棍徒住址姓名不忍不教而懲姑先出示曉諭爾等具有知識何事不可營生奈何漸滅天良作此忍心事業縱暫圖溫飽亦貽害兒孫即倖漏刑章仍難逃天譴自示之後務宜洗心滌慮猛省回頭痛改前非另圖正業倘仍怙惡不悛復萌故智爾之出處蹤迹已在本縣掌中爾之罪孽案由備在本縣檔卷禍臨不測後悔無追各宜知戒

嚴懲賭棍示

照得賭博為盜賊之媒最為風俗人心之害且外來賊匪無處安身亦必借此以為藏匿之地是以例禁禁嚴罪名極重至在地窖聚賭尤應加等治罪更難稍涉姑容今本縣訪聞前後楊家莊及大新莊等處有開掘地窖聚賭情事當即親帶兵役馳往密拏現將開掘地窖之地主楊新仔楊倉王勇及糾眾聚賭之主書安王方池並該管莊地劉蘭閻保亨等一併拏獲並起獲賭具帳本到案訊明屬實查楊新仔等開場聚賭固屬有違

敬簡堂學治雜錄

卷三

重

定例而莊地知情不報亦難辭咎當即分別從嚴咎責先行枷號示眾枷滿再行分別懲辦各處地窖亦即全行平毀以杜後患惟一縣之大似此不法之徒挖掘地窖開場聚賭者恐尚不少必須一體嚴密查拏懲辦方足以靖地方而安良善除密加訪查外合行出示嚴禁為此示仰閩邑軍民莊地人等知悉自示之後務各安守本業互相勸勉凡有地窖立即平毀如有再在地窖內賭博者即着該管莊地指名密稟以憑拏究倘敢徇隱不報一經查出或被告發除將本犯照楊新仔等一



律辦理外定將該管莊地一併從嚴懲辦決不寬貸勿謂言之不早也懷之慎之

敬簡堂學治雜錄 卷三

幸

敬簡堂學治雜錄卷四目錄

署規

堂規

差役條約

捕役條約

書院章程

勸辦義學章程

賓興經費章程

普濟堂章程

敬簡堂學治雜錄

卷四目錄

保甲章程 附牌冊式

籌辦積穀章程

粥廠章程

堂判摘附

敬簡堂學治雜錄卷四

丹徒戴杰存稿

署規

一 閩署家人各照派定執事謹慎管辦熟諳者愈當勤  
謹細緻初學者先求明白安詳無論大小事件俱不  
准爾等做主是非行止由我決斷倘所見有不當之  
處曉事者不妨各陳所見請示酌奪倘或隱瞞絲毫  
以及串通書差舞弊一經發覺定行究辦決不姑容  
爾等並當互相查察如有弊竇隨時密稟查明處治

敬簡堂學治雜錄 卷四

一 每日所收公文及各處書信均即隨投隨送候親自  
拆封不准擅先拆看

一 賓客紳士拜會即時傳帖請示或請會或有事不能  
請會照諭東房在外登答仍將門簿逐晚送閱不得  
遺漏草率即書差入等非奉傳喚不准擅入宅門至  
雜項人等着把門人問明來歷稟明候諭不准擅令  
進署如有故違惟管門人是問

一 每逢公出所有隨帶人役以及跟班人等預期開單  
聽候點派由帳房按名發給飯食錢文固不准藉端

需索分文亦不准擅與民間酒食違者照索詐例究  
辦如有單內無名之人暗地隨往查明一併懲治

一 每日爾等均須黎明即起各司所事晚間宅門上鎖  
不准過亥刻鎖鑰送存帳房如有人因公出入必須  
稟明之後方准啟閉並由管門人置立號簿一本凡  
爾等及雜色人等出入宅門均按時刻登記明白不  
准含糊遺漏號簿即由管門人按日送查

一 雜務及廚房馬號等事皆有經手銀錢之事固不准  
剋扣分文亦不得壓擱時日其一應買辦物件帳房

敬簡堂學治雜錄 卷四

二

一 悉照市價發給現錢爾等如敢在外私自賒欠借貸  
一 經發覺除將欠錢即時追繳外仍治以索詐之罪  
一 凡有調查卷宗收發均須立簿隨時登記以備查考  
新案稿件無論片紙隻字均應隨時清理黏卷如有  
遺漏錯誤惟司簽者是問

一 原差報到稟單無論所傳之人到與未到期立即呈閱  
詞訟呈批一經填榜之後立即張挂均不准片刻遲  
延

一 稽查監獄及押犯最關緊要司其事者每日必須細

心點查卽值堂用印亦皆有專責如爾等不知檢束或敢影射招搖一經查出定必照例重辦

一 閱署家人並各項人等不准與書差交接往來及彼此請酒換帖並不准無事出外閒遊以及賭博彈唱放肆多言高聲談笑違者立卽驅逐爾等衣服靴帽祇須整潔樸實不失本分爲佳不許任意奢華倘有此等習氣縱能辦事之人亦必不用

一 跟班中每日派二人伺候會客及坐堂一應內事另派二人伺候署外差使如遇跟隨公出及各項外差

敬簡堂學治雜錄

卷四

三

隨時酌派至爾等出差他往無論遠近用盤費多寡俱開呈細帳不得以少報多尤不准買物孝敬

一 署內各色人等無故不准在辦公事家人房中間坐如有不遵許管公事家人指稟至喫飯睡宿各有定所不准任意搬移

以上十二條爾等須細心體會慎益加慎我無論新舊家人俱係量材器使並無偏向好惡其有一二未能深悉之人隨時察看好醜更換斷不瞻徇情面稍事將就所有應給銀錢由門上經手收存

登記按三節結總由上開單派分各宜懷遵

敬簡堂學治雜錄

卷四

四

堂規

一 每日黎明宅門內擊雲牌七聲外發頭柳把門頭役稟領各門鑰匙日出宅門內擊雲牌五聲外發二柳值堂房赴宅內領簽套分散各房值班頭役並執事人等均各小心伺候違者重責

一本縣放告每月以三、八日為期值堂房先將呈狀名次事由刻即登號原呈仍交告狀人手執聽候當堂逐一點收俟批發後該房立即登號繕榜送判懸示照牆仍將原詞分發各房限即日具稿送核如有隱

敬簡堂學治雜錄 卷四

五

一 匿遺漏遲延查出定行責革

一 審理訟獄是非曲直皆由本縣親自裁決並不假手於人倘有書役人等在外招搖指稱打點名色作奸舞弊或竊聽堂事走漏風聲密訪得實定行按律嚴辦至招書記寫口供不許遺漏增改錄畢將供單當堂送閱過硃隨卷呈繳違者重責

一 審理案件值堂房設立堂事簿一本逐案明白登記何件已結何件未結當堂標日備查毋得遺漏干咎一 接奉上司牌文宅內拆閱發出該房隨到隨行毋許

片刻停擱如當日不送稿簽者定行重究至一切稿件務須挨次黏入原卷不得零星散收致有遺失送稿時全行夾簿送閱以憑查核不許遺漏片紙其繕寫文移務要紙張潔淨字迹端楷不得潦草錯落違者重責如上司官銜並本縣坐銜及文書尾後年月遺漏舛錯者按字加責至錢糧有關緊要數目務須大寫不得錯漏挖補致干重究

一 各上司批發審理案件及自理詞訟所有拘傳人證遵照硃限日期齊集候審其稟到時如稟內人證有

敬簡堂學治雜錄 卷四

六

實在不能到者務要註明因何不到如有隱匿賄縱情弊一經查出定行嚴究

一 票拘人犯倘或犯已脫逃不得擅拘親屬如有必應着落追究者具稟請示其稟內犯證人等分別拘傳其應傳者不得擅行加鎖如違重究

一 執事守宿人役俱要正身不許頂替其書吏各派經承一人在房守宿不誤呼喚並不准將卷宗帶赴私宅違者重究

一 大門至宅門以前理宜肅靜如有書役人等喧嘩吵

曩重責不貸

一書役人等與無知民人不同俱應安分守法如有玩  
作法弊需索生事及酗酒鬪毆窩娼聚賭等項一經  
查出或被告發定行照律嚴辦決不姑寬

以上規條均關緊要爾等務須恪遵毋廢厥事本  
縣之刑賞視爾等之賢愚倘敢視為故套漫不經  
心本縣言出法隨慎勿後悔

敬簡堂學治雜錄

卷四

七

差役條約

照得本縣下車伊始合行申明禁令以杜弊端爾等務  
當依照後開條約一律恪遵

一各班分里凡有尋常事件派差均按卯簿名次先後  
輪派周而復始如有最關緊要之事卽由本縣察看  
爾等勤惰隨時點派不在輪派之列

一票內所派之人除正身外不許頂替並不准私帶白  
役倘敢不遵查出一體究責

敬簡堂學治雜錄

卷四

八

一各差承票傳喚人證不許妄用鎖鍊須票內註有用  
鎖二字方准用鎖倘敢妄用鎖鍊一經告發按律重  
辦

一派差按照里數於正限外並給餘限均由本縣親自  
標明爾等務須遵限報到隨時具稟不准片刻遲誤  
倘敢私行押候壓擱抗延遲誤半日者責一百板遲  
誤一日者記過一次責二百板遲誤二日者記大過  
一次責三百板遲誤三日者柳號斥革永不准復充  
一派差要務立限緊嚴如果爾等勇於奉公不避艱險  
不辭勞苦由本縣隨時酌賞銀錢或准記大功一次

一 凡記過三次者改記大過一次記大過三次者立卽  
斥革凡記大過者隨時登註應將輪派差使罰停一  
次記大功者除按名輪派外卽附於輪派之末賞添  
差使一次以示公溥而明賞罰其一人功過兼有者  
並不准相抵本縣法立必行儆之慎之

敬簡堂學治雜錄

卷四

九

捕役條約

照得捕役專司緝賊所以除民害也如果平空妄拏嚇  
詐鄉愚是欲除害而反爲民害矣本縣到任以來首嚴  
緝捕並於原設工食之外格外加增工食不爲不優該  
捕役等宜如何激發天良認真巡緝使盜賊聞風遠颺  
閭閻日就安謐方不負本縣諄諄告誡之意乃數月以  
來竊案疊出雖經票差緝拏迄未破獲緝捕懈弛已難  
辭咎迨比催稍急則將案外無辜貧民以及前曾爲匪  
後經改悔之人捕風捉影妄拏送案聊以塞責此等伎

敬簡堂學治雜錄

卷四

十

兩本縣早經洞悉卽如革捕馬盛全兩次妄拏無辜可  
爲明證今童進功又有妄拏張二之案雖經本縣卽時  
審明小民已受其害似此舞弊實堪痛恨本縣爲民父  
母時以除暴安良爲心若不嚴行查禁何以除蠹害而  
安善良除隨時密查懲辦外合行列表嚴禁爲此諭仰  
捕班總役童進功李啟發知悉嗣後如遇承緝各案盜  
賊務須查照後開條款訪明眞贓實據確係案內正賊  
方准拏獲送案若無本縣印票或將案外無辜貧民憑  
空指爲何案正賊妄拏送案並帶同白役嚇詐搜翻者

一經審明或被告發定將該役等責革不貸本縣執法素嚴勿謂告誡之不早也懷之慎之毋貽後悔

一本縣捕役現定分養恩居存四鄉派役巡緝何鄉之案即票差何處捕役依限查緝以資熟悉並定於每月初七十二提比一次視各鄉報案之多寡獲犯之有無以定功過有功則賞有過則比屆期各鄉有案捕役務須一律到齊聽候比期甚寬不准一名託故不到

一總役均應在城伺候城內關廂即歸總役分段巡緝

敬簡堂學治雜錄

卷四

十

兼管各鄉散捕如所管捕役內有妄拏嚇詐及爲匪滋事各情責成總役隨時稽查具稟其有知情徇隱者一體治罪

一緝拏盜賊必有印票爲憑若無本縣印票及雖有印票而非票內指拏之犯不准妄拏送案違者革究  
一票緝各案賊賊必須訪明真贓實據確係本案正賊方准拏獲送案倘敢妄拏無辜逼令承認希圖塞責者一經審明定卽革究

一凡前曾爲匪現已改過自新者卽屬良民如無本縣

指拏印票又無外縣批緝不准妄拏嚇詐

一境內如有真正大盜或積慣窩家必須訪明實迹先行來縣密稟聽候發給硃簽方准擒拏不准連累無辜

一前曾外縣挂批有案或本縣指名飭拏未獲之犯亦准稟明給票往拏

一捕役如敢挾讎教賊誣拏某人接買贓物某人知情同夥意圖嚇詐者一經審明或被告發定將該役從重治罪

敬簡堂學治雜錄

卷四

十一

以上各條該役等務須革面洗心認真遵守倘敢陽奉陰違仍蹈前轍定卽從嚴究辦決不寬貸

書院章程

一書院內原有官民捐置田地六頃十九畝一分六釐  
 二毫六絲一忽七微內除撥書院東義學地三十畝  
 六分二釐二毫六絲六忽又除鹽鹼未墾地四十七  
 畝三釐五毫外實存地五頃四十一畝五分四毫九  
 絲五忽七微現已逐段查丈自同治十二年為始查  
 出鹽鹼地內有地三十餘畝可以租種除撥出地二  
 段計十畝六分七釐六毫三絲九忽三微設立義塚  
 並尚有未墾鹽鹼地八畝外實在地五頃六卡九畝

敬簡堂學治雜錄

卷四

圭

四分九釐八毫六絲分別地段上下酌增租價每年  
 共收地租京錢一千零一千四百八文定限四九兩  
 月由司事催收以備掌教脩脯節禮及修葺房屋添  
 置器具並一切雜項等用不准司事虧挪  
 一書院地畝現已繪圖造册按段可稽應完錢糧漕米  
 由官捐納招佃租種必須有的實保人方准承租由  
 官發給印照為憑不得私相頂替應交地租本係從  
 減酌定且係書院內按年應用之項必須如數完納  
 即有因災緩徵錢漕之年亦與地租無涉不准短少

倘有藉詞拖欠及私自頂替另租暨盜賣侵佔各情  
 弊由司事查明指名稟縣傳追另招佃種

一書院內從前本無生童膏火迨嘉慶五年郭前縣詳  
 明由存縣鹽當規禮銀內每年撥銀一百二十八兩  
 道光二年黃前縣倡議勸捐銀一千二百兩發交當  
 商按月一分行息每年應得息銀一百四十四兩二  
 共銀二百七十二兩作為生童考課膏火獎賞之用  
 按月提取給發官紳不得私相提用

敬簡堂學治雜錄

卷四

酉

一書院延請掌教每年向祇送東脩京錢四百千文三  
 節節禮京錢三十千文館穀過微以致掌教多不住  
 院生童請業無資現每年由官捐廉加送火食京錢  
 二千千文並備聘金川資專請掌教住院督課俾士  
 子得以朝夕惕勵今據司事稟稱此項已捐送數年  
 之久現在地租已較昔年加增經費有盈無絀請將  
 火食京錢二千千文自光緒元年起即歸書院地租  
 內照數支送至延請掌教聘金程儀仍歸官捐以期  
 永遠照辦

書院課期前經酌定每月初六日官課十六二十六



等日齋課自二月起至十一月止一年官課十次齋課二十次官課均赴書院聽候點名扁門考試齋課由掌教出題親自督課嗣因生童並課每多槍替情弊又改爲每月初二日先課童生初六日再課生員並定於午刻送蓋圖章二礮以前交卷齋課試卷亦由掌教分別督課無論官課齋課如有鈔襲雷同第一次不取第二次下月不准報名領卷

一生童官課既有膏火銀兩又有獎賞錢文復經官捐廉銀每次加獎十餘兩並於官課之日每名捐給點

敬簡堂學治雜錄

卷四

五

心京錢一百二十文以示優恤惟齋課向無膏火獎賞各生童率皆視爲具文前議定將官課內之獎賞錢文一款提歸齋課由掌教評定試卷等第榜示講堂並將錢文分爲兩次獎賞以示公允而昭激勵惟各生童既考官課必須按期齋課若因齋課所得獎賞錢文甚微一次不到者扣除官課一半加獎銀兩二次不到者全數扣除所有膏火銀兩仍准隨時給領至加獎銀兩應俟下月官課時再行查明給發以免趨避

一從前官課祇取超等生八名上取童四名旋經屢次加廣同治九年秋又復量加推廣現在生員膏火已增至十八名童生膏火增至十四名惟取數太寬不免心懷微倖以後仍應隨時察看情形分別取去如果佳文足敷取數方准照章辦理倘若草率從事敷衍成篇者祇取佳文不得濫竽充數所餘膏火加給前列之人以爲砥礪潛修者勸

一書院東義學向歸書院經理並由書院內撥出地三十畝六分二釐二毫六絲六忽歲得地租京錢六十

敬簡堂學治雜錄

卷四

六

千文歸塾師自行收取以作脩膳之資現在房屋業已修整以後如有坍塌應仍歸書院司事查勘修理惟塾師向無節禮現照新添義學之式每年添送節禮京錢六千文卽在書院地租內由司事按節支送以示公溥

一陵縣地瘠民稠貧寒之家無力延師子弟每多廢棄今將書院地租設法加增飭令司事在於北門裏東門外關帝廟內先後添設義學二所俾童穉得以入學習業每學由司事訪延塾師各一人每人每年各

送脩膳京錢六十千文三節節禮京錢六千文二共  
京錢一百三十二千文均由書院經費項下按季支  
送惟塾師必須常川住館認真教讀倘有虛應故事  
荒廢功課者即由司事隨時稟明更換

一書院設立司事原為經理一切起見前因無人管理  
以致房屋坍塌諸事廢弛此其明證茲將講堂等處  
房屋逐一修整並添建大門一座兩廊考棚十間置  
備卓凳各七十件所需工料錢文均在追出舊租項  
下支銷又將地畝逐段查明丈量酌增地租添設義

敬簡堂學治雜錄 卷四 七

學核計經費有盈無絀足備後來一切用度然必須  
司事隨時稽察認真經理方免日久廢棄嗣後凡遇  
書院一切事宜由該司事等秉公會商協同管理既  
不准彼此推諉亦不得虛應故事即書院之房屋有  
無滲漏各物之應否添製該司事亦隨時往查分別  
稟辦應收地租按時嚴催勿再任其拖欠出入帳目  
按年立簿登記並將收支總數年終榜示講堂俾眾  
周知以期事歸核實款不虛糜可作永久之計

勸辦義學章程

一勸捐宜聽民便也捐立義學原為無力延師之子弟  
而設而窮鄉僻壤尤宜加意多立一學即培植多少  
子弟但民間貧富不一捐輸多寡各聽其便則人心  
樂從或一家捐一學或數家捐一學或一村立一學  
或數村公立一學大以成大小以成小各就地方變  
通辦理且童子艱於遠涉義學設在本村則捐輸之  
家得沾實惠民間聞風向義有不觀感興起者乎

敬簡堂學治雜錄 卷四 六

一學舍宜即修建也立學之始總以籌備經費為先務  
迨經費既足即當籌辦學舍每當歲晚務閒之時勸  
令從學之家或出人工或捐物料厥學易舉集事無  
難但求堅固不可徒飾觀瞻是在隨時勸導因地制  
宜以圖經久  
一延師宜慎選擇也義學之設所以正蒙養而廣教化  
延請塾師必須首事公議舉報俟批准後再行訂延  
常川住塾每年酌定束脩京錢六七十千為准按季  
分送學生皆係寒士毋得索取分文每塾以十六人  
為率塾師不得自帶學生如課讀不能認真品行不

字眾望許該董事隨時查明另延以免曠功而收實效

一啟蒙宜講書理也端士習厚民風莫先於正其蒙養而蒙養之要端在小學一書四書經傳義蘊廣大重釋能讀而不能解小學易解語亦淺近且切於日用凡蒙館中初讀書時塾師必須講說書理俾熟讀之乘其天性未漓以此先入之言浸灌於中庶乎有基勿壞日後為士則易成好秀才為農則易成好百姓於風教人才實有裨益

敬簡堂學治雜錄

卷四

九

一課讀宜廣化誨也各鄉子弟豈能箇箇望以功名要認得立學之意是要他識字是要他明理知道父母是要孝順的尊長是要敬重的鄰里鄉黨是要和睦的架是打不得的狀是告不得的姦盜邪淫是犯不得的賭博酗酒等事是幹不得的每日將此好話教訓一番子弟聽慣便不覺把氣質都變化了  
一經費宜嚴查核也凡勸捐銀錢施捐田地或交商生息或置產納租均責令公正首事自為經理一面報縣立案不准侵吞挪移至於生息之項不准該商私

尤挪借倘經查出即責令該商着賠以垂永久

敬簡堂學治雜錄

卷四

十

賓興經費章程

一 交當商生息制錢一千千文以光緒元年四月為始  
 每月一分生息三年共得息錢三百六十千文有闕  
 之年再得息錢十千文為闕邑鄉會試士子卷費無  
 論正署一體經理其本錢永不得支取或當商年久  
 歇業准將本息繳縣另交妥商接手不准官紳挪借  
 一 每逢鄉試年分各當商儘六月內將三年應交息錢  
 繳縣不必逐年交納歷科提支息錢並開銷用項各  
 立印簿一本存庫隨時填註備查

敬簡堂學治雜錄

卷四

三

一 每逢鄉試屆期縣官在息錢內先送學官辦考川資  
 制錢十二千文又提制錢三百二十六千文派禮房  
 送省由縣備文移知送場學官辦理下餘制錢二十  
 二千文併閏月息錢一併存庫  
 一 學官散給卷資需人襄理應責令科試一等前三名  
 及錄遺第一名生員共司其事以便稽查核實不致  
 影射朦混  
 一 鄉試貢監生員不能預定額數查歷科進場者不過  
 六七十人今以百人為率每名酌給卷資制錢三千

文如不止百人則儘錢數核減或不及百人每人仍  
 祇給制錢三千文凡散給士子卷資以入場應試者  
 為准定於考遺發案後散給諸生赴學官公所親領  
 代領者不給或有已領而不進場者自行繳還一半  
 不繳者着門斗追還所有未領及繳還之項仍由禮  
 房領回繳縣存庫

敬簡堂學治雜錄

卷四

三

一 學官進省除送川資制錢十二千文外其幫散卷資  
 之生員四人共給茶食制錢六千文學書門斗共給  
 紙筆飯食制錢四千文禮房運錢車價給制錢十二  
 千文紙筆飯食給制錢四千文均由學官開銷事畢  
 後學官造具應試士子名姓清冊其未進場者於名  
 下註明並將收到錢數若干散過卷資若干開銷若  
 千餘錢若干造冊移縣存案  
 一 正科鄉試之外恭遇  
 恩科於三年應繳息錢內分提制錢一百八十千文各項  
 減半核發毋庸預提  
 一 會試舉人每名酌送資斧制錢二十千文在存庫餘  
 項下開支凡會試者儘十二月內起文赴縣請領

普濟堂章程

一查縣志所載紳士捐置暨官買義田共地三項九十六畝六分一釐歷年報銷亦照此數開造今溯查雍正十二年開舊卷此外尚有積荒地及城濠各壇地基共計二百九十餘畝亦歸普濟堂收租惟年分久遠多有迷失又無坐落地段是否有在乾隆年間除豁鹽鹼地內無可稽查冊內租戶全非本人俱係贖轉私相授受以致積欠疊疊現就有檔案可稽之處逐段丈明共得地四頃八十八畝八分八釐六毫一絲

敬簡堂學治雜錄

卷四

三

九忽七微較原報多出地九十餘畝業已按段開明四至繪圖存案並一律另招股戶取具的保發給印照佃種繳租仍將租戶暨保人姓名登註冊冊備案以免再有迷失轉佃欠租之弊

一向年地租僅止每歲京錢二百七十餘千歷年收不齊全所養貧民四十三名分爲三等按季支發正分每季京錢二千二百文合補每季京錢一千二百文續養每季京錢八百文近來所收貧民日增一日不敷之項由官捐發其報銷之案與實在收養貧民迥

不相符今既查清多出地畝擬另立收養章程按月給領俾窮黎得沾實惠

一現就查出地畝共四頃八十八畝八分八釐六毫零按照地之腴瘠分爲四等每畝收租自京錢一千五百文至八百文爲率每年共收租京錢五百五十四千六百文按每歲三百有六旬有六日攤算每日攤支京錢一千五百十餘文今擬正養貧民三十名每名大建月給口糧京錢八百文鹽菜京錢一百文小建月給口糧京錢七百七十四文鹽菜京錢九十六

敬簡堂學治雜錄

卷四

四

文續養貧民四十名每名大建月給口糧京錢四百文鹽菜京錢五十文小建月給口糧京錢三百八十八文鹽菜京錢四十八文計每大建月支京錢四千五百文每小建月支京錢四千三百五十文如此變通辦理既可多養貧民數十名而用款與報銷亦可符合一洗從前捏飾之弊惟與向來報銷冊式不符現爲事歸核實起見應請准改舊式自光緒二年造送元年報銷冊起一律更正

一普濟堂地基現已查清計地七畝八分三釐八毫七

絲二忽七微除堂基地一畝八分三釐七毫五絲又堂之西南舊日葬有墳塚佔地四分四釐四毫七絲九忽一微下餘地五畝五分五釐三毫三絲一忽均經一律丈明四至繪圖註冊至堂內房屋早經坍塌無存若照堂基全數修造工程過大捐辦力有未逮今聽殷實富戶隨意捐輸再由官捐廉銀百餘金蓋屋八間分為兩院男女各居一院俾無棲止貧民得禦風雨周圍緣以垣牆並建大二門各一座門房二間另招看堂人一名居住永為看管並將堂外餘地五畝五分零給看堂人自行耕種以資食用

敬簡堂學治雜錄

卷四

五

保甲章程 附牌冊式

一每莊立有莊長一名以十家為一牌立一牌長無論村莊大小戶口多少均歸莊長協同本莊紳耆編查倘按戶分牌後尙餘兩三家即附於前牌之末餘四五六家者併入毘連之戶分作兩牌餘七八九家者另設一牌至牌長即責成莊長於本牌十戶內擇定一保甲冊籍每莊先由本縣捐備空白冊並給筆墨飭令地方領回分給各莊交莊長協同本莊紳耆挨戶逐一照式填註其冊面開寫某鄉某莊地名冊首先列莊長地方名字次寫本莊共幾牌第一牌牌長某人挨寫至末牌為止送縣查核本縣即按照清冊次序填發門牌亦交地方領回分散懸挂所有冊子門牌等費均係本縣捐辦不用各莊民花費一文如莊長地方書差私自藉端索詐許即稟明究辦

一牌冊編查清楚送縣查核後即由本縣飭房照寫兩本一存縣案一存本莊按六箇月發冊重查一次按一年換門牌一次如有遷移增減事故隨即更正不准遺漏本縣仍於下鄉之便留心查對倘有不符惟

敬簡堂學治雜錄

卷四

五

該莊長等是問

一保甲既責成莊長稽查則各莊莊長應由紳富鄉耆人等聯名公舉來縣具呈保結方准膺充如敢把持錢漕橫行鄉里除將莊長加等治罪外保人亦干未便

一莊內有窩賭窩娼窩盜各項匪類並外來形迹可疑之人應責成莊長牌長隨時稽查密稟倘敢扶同徇匪或挾嫌妄稟一體嚴究

一莊長稽查得力擒獲要犯隨時存記年終統核分別

敬簡堂學治雜錄

卷四

毛

獎賞如有假公濟私藐法玩誤者輕則責革重則嚴辦並將功過各案由榜示署前以昭觀感

一莊內編查保甲即按牌預備梆鑼輪流支更各集鎮亦宜添置柵欄如有外來匪徒搶劫鹽梟滋事立即

鳴鑼齊心協捕一戶有警眾戶響應鄰近村莊亦應不分畛域一體堵拏獲匪送縣定即優賞除捕匪之外不准鳴鑼聚眾擅自調遣違者重究

一清查保甲後如有一人為匪一家窩賊其同牌之家許即報明莊長稟官拘究容隱連坐

一差役持票傳人及拘拏要犯並催辦錢漕等事莊長牌長不得出頭攔阻如有為匪在逃或羈禁在官潛

自回家者即行拘送容隱連坐

一牌內客店各立號簿一本往來投宿之人查明來蹤去迹年籍姓名填註備查倘有語言支吾行蹤詭秘

即告知莊長牌長逐細詢問稟官核辦至外來乞丐及遊方僧道量為佈施勸其回籍本處乞丐住宿廟

院隨時稽查年力精壯者勸其安分謀生毋任流而為匪如係老幼殘廢報縣給予孤貧口糧

敬簡堂學治雜錄

卷四

天

十家牌式

照得編查保甲原為稽查匪類曾經過犯之人准予自新之路經此次清查以後爾等牌內如有為匪不法窩留盜賊許牌長協同莊地稟明拘究如敢挾嫌誣控或通同徇隱查出重究不貸須至牌者

鄉里 莊莊長 地方

第 牌 牌長

第 戶 第 戶

第 戶 第 戶

第 戶 第 戶	第 戶 第 戶	第 戶 第 戶	門牌式	照得編查保甲以清內源爾等遇有遷移生死事故隨時知會莊長於冊內添註以便下次發門牌時更換所有頒發門牌冊子一切費用均由本縣捐廉辦理不用爾等分文如有藉此案詐者准即指名稟究須至牌者	鄉 里 莊 莊長 地方	敬簡堂學治雜錄 卷四 壬	第 牌第 戶係 籍	家長 年 歲 爲業	男大 丁	女小 口	雇工 名 女工 口	左鄰 右鄰	田地房產錢漕花名已詳寫冊內毋庸再填	冊式	陵縣 鄉 里 距城 里 莊
---------	---------	---------	-----	--	-------------	--------------	-----------	-----------	------	------	-----------	-------	-------------------	----	---------------

莊長 地方	第 牌牌長	第 牌牌長	第 牌牌長	第 牌牌長	陵縣 鄉 里 莊	第 牌第 戶	家長 年 歲 爲業	男大 丁	女小 口	男僕 名雇工 名女婢 口	左鄰 右鄰	田地 畝房屋 間 土著 寄籍	應完銀 兩 錢 分 釐 毫 花 名 米 斗 升 合 勺 花 名	附記	保甲善政也果能實力奉行久之必有成效若僅敷衍故事則牌冊亦屬虛文故章程雖可因地制宜而
-------	-------	-------	-------	-------	----------	--------	-----------	------	------	--------------	-------	----------------	---------------------------------	----	--



法立必行實事求是大約其端有四每莊公舉老成  
諳練者一人以充莊長有過必懲有功必賞年終榜  
示眾曰咸知如有積賊土棍或閹莊聯名或莊長稟  
送是必萬不能容者亟宜確查得實嚴治斷不可敷  
衍釋回恐致尋離釀事此其一也外來盜賊潛藏捕  
役索與相識恐莊長及閹莊知之而不敢言宜於保  
甲未查之先選擇捕役嚴辦窩家既查之後田禾宜  
看守莊內宜支更皆歸莊長專責此其二也保甲冊  
專令莊長造送飭發門牌按戶懸挂宜隨時抽查須

敬簡堂學治雜錄

卷四

三

將村莊四至繪圖並攜清冊親歷鄉陬或於堂審事  
畢不時查核民人目擊長官留心批閱則莊長牌長  
亦時時稽查本莊底冊此其三也牌冊官自經理不  
宜假手吏胥紙筆等費皆官捐廉備辦毋費民間一  
文鄉農多不識字如有莊長假公斂錢查出必須重  
懲俾四境村民知有益而無累此其四也總之保甲  
辦成以後要在隨時抽查保甲而不查保甲雖辦  
猶不辦也且保甲所以安民而斷不可稍有擾民官  
能盡一分心則民受一分益神而明之誠存乎其人

矣自記

敬簡堂學治雜錄

卷四

三

籌辦積穀章程

一勸辦宜擇人為要也查卑縣四鄉共二十一里現擬每里公舉公正紳耆四人或五六人帶同莊長秉公勸辦捐穀無論多少祇准收穀不准收錢即各戶有願意交納錢文者亦不准收取一文以求實濟民捐民儲不准書差經手該紳耆亦不准抑勒苛斂欺壓鄉愚一經訪查得實定即從嚴懲辦

一存儲宜聽從民便也查卑縣西城外三里許即係德州界正南正北鄉邊圍亦祇十數里或數里東南鄉

敬簡堂學治雜錄

卷四

五

東北鄉與臨邑德平接壤離城皆四五十里惟正東鄉許家寨鄧家莊至城計九十里養思居存四鄉共為二十一里村莊錯雜積存穀石存放一鄉相隔過遠者轉運既難倘遇荒年發穀賑濟尤多不便現與各里紳董面商擬將本里捐穀即存本里適中有圩寨之村莊或借公所或借富戶房屋收儲將來出納較易可省往返之苦卑職體察實情應准各存各里不必彙總一鄉存儲以聽民便

一勸積宜分別體恤也查積穀原為保富安貧良法十

畝以下之戶衣食恐難充足若責令一體捐積民力實有未逮現擬概免捐輸其種地多蓋藏厚者勸其慷慨樂輸以示區別而昭體恤

一立簿宜嚴查賸混也查卑縣各里村莊戶口現辦保甲按冊可稽除去十畝以下之戶概免捐穀其十畝以上之戶遵照頒發章程各戶每收穀一石捐穀三合惟卑縣情形稍有不同種穀及雜糧者不過十分之五六種棉花者居其三四所種雜糧似應照穀石勸捐至棉花更難核計擬勸業戶各秉天良自行輸

敬簡堂學治雜錄

卷四

五

穀分別登簿卑職每里面交紳耆印簿二本各莊某戶應捐穀若干逐一勸齊後一存紳耆處一送縣署查核統俟收穀時照印簿戶名穀數送存各本里入倉存儲並將收過穀戶出榜曉諭各里蓋用收訖戳記以杜私收而免重複

一收放宜發給官斗也查卑縣城鄉斗升其中大小不一不惟出納易致參差且恐經手者因此浮收轉為民累現擬由縣每里捐製官斗升各一具上用硃標分交各紳董領回公平出納日後如有損壞許由該

紳董呈請更換以昭劃一而免紛爭

一積穀宜酌量變通也查積穀之法意仿社倉以本里之蓄濟本里之飢洵屬法良意美為救荒第一要務惟社倉向准出陳易新春借秋還但經理不得其人弊即由此而生現擬自此次辦成以後每屆秋收如遇豐收之年固可隨時續積歲僅中稔亦必至三年時勸令附倉上戶將所收新穀酌易陳穀以三分之一為斷如此盈為周轉計不上十年倉存陳穀盡可易新既免霉變之虞兼杜科派之擾

敬簡堂學治雜錄

卷四

壹

此庚午秋間呈覆濟東觀察之公牘也惟積穀原為備荒而設定章自應因地制宜竊以法立貴在必行此舉利大而害亦鉅揆之輿情難有數端責成紳耆經管公正者畏縮不前且恐日後受累其難一捐而不納與無穀同一律繳穀於民未便其難二春借秋還出陳易新法久弊生其難三陵邑連年災稜紳耆因民力艱苦求請緩辦是以議而未舉 附記

粥廠章程

一現定自十一月初一日起在城隍廟設立粥廠先期出示曉諭到捕署報名方准註冊給簿每名應辦粥籌二支中用花押寫明雙單日憑簿領粥按雙單日更番發給需用器具開單照辦  
一襄辦粥廠諸君卯正赴廠查點人夫督派司事閒雜人等不准混入辰刻煮粥齊備已刻開廠散放午刻停止風雨無阻

敬簡堂學治雜錄

卷四

貳

一安缸置窰先要擇地但時屆冬令須防雨雪宜搭蓋棚廠每天查點名册核計人數量米煮粥總宜多備一二十碗以免臨時不敷所有監押各犯應責成該管之差役執籌代領另派家人押送按名分給不准克減  
一粥鍋應派一可靠家丁專司其事淘米下鍋必須檢點以防偷米放石灰等弊頭鍋粥煮好先挑入缸內  
二鍋煮齊即散放另備布袋一條每日黎明來署領米該管家丁親押到局  
一粥缸宜埋一半在地內上用草將缸圍裹執勺應責

成所雇廠夫經管粥籌應派一家丁收發襄辦粥廠諸君監督給粥換籌各宜分任廠門外應派役二名管門東進西出挨次輪領不准擁擠廠內派家丁一人役二名巡查彈壓該役等如敢滋事倚勢欺陵立即責懲該丁役等既不另給工食應每名給粥兩碗庶免枵腹之虞

一應用各物件宜預為置備或借或置均須記帳每天粥米登簿所定之柴薪斤箇挨五天之用一總過秤入册每日用數詳註除局用外不得濫開分文每日

敬簡堂學治雜錄

卷四

七

收廠後必須檢點火燭桶勺器具着令局夫看管水缸亦令貯滿其餘細微甚多不及備載

堂判摘附

杜花亭與張常仔互控毆傷一案集訊杜花亭之姊杜氏嫁與張常仔為妻杜花亭之母杜許氏前往探望正值張常仔與杜氏在院擡架上前幫護張常仔即將杜許氏推跌倒地碰傷偏左左額角等處查張常仔因夫婦口角輒將妻母杜許氏毆傷並自行裝傷顛門等處捏控實屬不法惟訊因情虛畏罪意圖抵飾所致並非有心誣告情尚可原且張常仔係杜許氏之婿究為伊女終身依靠之人自不能不量情酌斷以為張杜氏夫

敬簡堂學治雜錄

卷四

八

妻和睦地步當將張常仔責懲枷號諭令張常仔之叔張廷樂回家先將伊姪媳張杜氏接回俟張常仔枷號滿日再行保回管束以後兩家親戚仍歸和好不許各懷嫌怨尋釁滋鬧以全親誼

齊河縣民劉義樂控郭連芳拐賣伊妻一案集訊劉義樂自幼聘娶郭連芳之女郭氏為妻生有一女原籍被水來至縣屬寄住郭連芳因嫌婿家貧私將其女郭氏領回改嫁與徐龍仔為妻查郭氏係有夫之婦本應仍交前夫劉義樂領回惟劉義樂供因郭氏業已失節情

願懇追財禮另行聘娶不願再娶郭氏爲妻斷令徐龍仔幫給劉義樂京錢五十千以作另聘之資限三日繳案給領至劉義樂之幼女隨母改嫁仍交劉義樂領回郭氏卽與徐龍仔爲妻徐龍仔訊不知私嫁情由應免置議惟郭連芳嫌貧愛富將女改嫁情殊可惡當卽杖責示懲以儆效尤附

陳延芳府控孫甫功等設計燒害一案訊緣孫甫功孫甫瑞均充地保與陳延芳之父陳逢青同住素無嫌隙孫甫功曾託陳逢青轉託王法古借用銀兩陸續

敬簡堂學治雜錄

卷四

完

歸還未立借券同治九年十二月二十八日陳逢青以孫甫功帳目不清彼此爭辯而散二十九日孫甫瑞赴陳逢青家辭歲卽留飲酒並邀孫得仔前往同飲孫甫功並未在內嗣陳逢青飲入醉鄉孫得仔卽先回歸孫甫瑞因夜深不能回家卽與陳逢青在炕同睡炕上點有燈火一盞炕邊放有火盆一箇孫甫瑞與陳逢青均已睡熟後忽聞陳逢青喊嚷被火燒傷孫甫瑞當卽起身見陳逢青身上有火卽爲撲滅並喊同陳延芳孫得仔等前往將陳逢青抬進內屋醫治罔效延至十年正

月初三日身死旋卽棺殮至四月間陳延芳因伊父被燒未經親見且孫甫瑞係孫甫功之弟伊父在日曾爲孫甫功代借銀兩因帳目不清彼此爭執心疑孫甫瑞等有設計燒害情事是以由縣赴府具控查陳延芳因伊父陳逢青醉後自行失火燒傷身死事隔數月之久忽疑孫甫功等因帳目不清設計燒害輒卽砌詞上控實屬荒謬已極本應嚴究惟係年幼無知一經集訊卽據自行供明情同自首應請免究將陳延芳杖責發落以示懲儆孫甫功孫甫瑞雖訊無設計燒害情事惟同

敬簡堂學治雜錄

卷四

完

胞兄弟膝充一里地保致生事端亦屬不合應卽革除地保分別枷責示懲以爲矜官舞弊者戒至陳延芳所控欠項究竟孫甫功已否還清因關傳德平縣民王法古等未到無憑訊迫應俟催傳王法古等到日再行訊明辦理  
李永昌府控臨邑縣民高崑等抗關不案一案卷查同治九年五月間據李榮昌以商同抗債等情先後呈控臨邑縣民人高明山馬長振等並未聲敘已在臨邑呈控有案恆前任批准訊究分別備文關傳准臨邑縣以

此案前據該民人控高坤抗債不償業於三月開訊結  
關覆乃李永昌變易情詞懇恩關提人卷嘵嘵瀆呈當  
卽批飭爾既在臨邑呈控有案輒敢抹煞真情砌詞捏  
飾先稱借帖審呈又請關提人卷先後呈詞兩歧殊屬  
刁健本應提案重懲姑寬着以原就被自投臨邑候訊  
茲奉前因卽移臨邑查卷內李永昌年五十八歲同治  
八年十一月控高坤等抗債不償已於九年三月開訊  
結因高坤曾借用李永昌京錢一百千後遭賊匪蹂躪  
景況甚窘無力歸還酌中斷令高坤折還京錢五十千

敬簡堂學治雜錄

卷四

聖

先曾還過三十千再找二十千作為清結已飭李永昌  
當堂具領借券交還高坤收訖領狀供結在卷訊斷亦  
甚公允今事隔年餘輒敢掩飾真情砌詞上控且名氏  
年歲均與縣卷先後互異希冀挾制拖累實屬刁妄本  
應重懲姑念伊兄李永相一再懇恩具呈力保李永昌  
嗣後永不敢滋事妄控從寬量予責懲以為越訴妄控  
者戒被告毋庸集訊以省拖累

張龍池等控張佃成朋媒逐婦一案訊緣張佃成與胞  
嫂張張氏同居過度張張氏因夫故無子欲繼張龍池

之子張和仔爲子張佃成因張和仔年幼不能料理家  
務囑令暫緩立繼張張氏不允與其母張程氏具控斷  
令族長張維秉公議繼嗣據張維以事多窒礙等情具  
呈當經明白批示在案今張龍池因伊子不能過繼由  
於張佃成不允所致張張氏出外探親張龍池卽捏稱  
張張氏已被張佃成等硬行改嫁等詞向張張氏之兄  
張振江告知來縣妄控傳質張張氏並無其事當將張  
龍池從重責懲至張張氏孀居無子自應速爲立繼以  
免彼此爭控張龍池乃係涎產爭繼之人例不准過繼

敬簡堂學治雜錄

卷四

聖

爲嗣據族長張維等繪呈宗圖查有張張氏五服夫兄  
張涓之第三子張舉仔可爲張張氏嗣子實係應愛兩  
全隨令書立繼單當堂標發並諭令族長人等將張張  
氏家有產業與張佃成勻分各管各業不許爭競違斷  
取結完案

藥珍等控許善治霸種廟地一案質訊鴉虎寨莊天齊  
廟向設義學公捐大地十八畝以爲歲修廟宇及延師  
之資立有碑記傳邦祥等皆是各首事之子孫供稱天  
齊廟義學田地實係公捐因許善治住廟種地皆不敢

與其爭論等情查許長榮之祖許弼君碑文內敘及首  
事許長榮之父許善學義學續修載在縣志早年廟內  
本有住持迨後許善治攜眷住廟種地既不修廟又不  
繳租實屬橫霸已極斷令許善治不准住廟將地繳出  
並不准管廟內公事具結附卷許榮廣事不干已顯係  
幫訟不應責懲姑念供明伊祖許廷彥曾經捐地四分  
因聞以地典錢唱戲故來查詢詞近支離情尙可原從  
寬訓斥逐出嗣後不准管天齊廟及義學之事許善治  
種地並未繳租以致廟內唱戲墊款五十五千無着以

敬簡堂學治雜錄

卷四

三

廟地給喬讓爲質諭令喬讓將地繳還借錢爾等設法  
歸款並將現在地畝段落逐細丈量以一半爲廟內歲  
修之用以一半作爲義學延師之資將撥義學地若干  
畝歸廟地若干畝分別招租戶認租公議可靠首事稟  
明候訊

樂珍等府控許善治等呈懇提究並許長榮等查丈地  
畝一案呈明糧地分清尙屬妥洽集訊許善治霸種廟  
地以致輿訟許榮廣事不干已顯係幫訟樂珍孫准並  
不遵斷尙未具結輒敢越訴且會首將地當與喬讓孫

淮樂玉藻皆同面商議府控呈內獨控許長榮霸賣詞  
多失實刁詐已極孫准莊長業已革除將許善治等四  
人分別責懲以儆效尤均不准干預廟內公事及義學  
之事許善治所佔地畝業已退出着卽另招佃戶承種  
義學本是許長榮邢漣趙珍三人承管着派喬讓樂玉  
藻孫階升協同妥爲經理地畝連宅基僅只大地八畝  
一分零恐不足請師脩脯之用發去勸辦義學章程着  
再設法勸殷實之家捐助地畝方爲永久之計義學宅  
地均由本縣捐廉代完錢糧作爲官義學候出示勒石

敬簡堂學治雜錄

卷四

器

立案可也供結附

劉張氏控劉廷訓貪產逼嫁一案集訊劉張氏孀居無  
子與夫弟劉廷訓分居各度劉廷訓貪圖劉張氏房產  
意欲將其子塞繼不允屢次逼令改嫁並燒燬劉張氏  
被褥不令安度劉張氏不依致相口角查劉廷訓一再  
託人媒說意圖逼嫁其嫂均有見證實屬目無法紀若  
不從嚴懲辦何以挽回風化當將劉廷訓嚴行笞責枷  
號示眾劉張氏苦守無子諭令該族長趕緊爲其立繼  
以承宗祧劉廷訓如再爭執准卽稟究

李珩控石長明抗償刁賴一案實訊同治四年間李珩之姪李兆義與石長明代借京錢十五千文以三分起息立有借帖爲據同治六年又與伊子石孔玉代借高粱一石亦立有借據李兆義業已病故李珩均將前款代還掣回借據今向石長明討要墊款卽捏以已還抗賴涉訟查驗李珩所執借票屬實如果石長明業已如數清還豈有不索回原據之理明係李兆義病故無可質證意圖刁賴實屬不合本應責處因念到案旋卽供明實係未還與始終狡賴者有聞斷令石長明將所借

敬簡堂學治雜錄

卷四

壘

欠項照例一本一利歸償高粱按照市價核錢一併繳案卽飭李珩具領借票當堂塗銷